

溫州府 函 公 館

永嘉集外編

卷二十六
五

碑銘
傳贊
祭文
祝文

溫州府
圖書館
藏

永嘉集外編卷二十五目錄

碑銘

旌忠愍節廟碑

朱子

温州橫山仁濟廟碑

瘞塔碑銘

宋濂

文信公新祠碑

謝鐸

太守文公新祠碑

夏鏞

傳

抱一翁傳

戴良

節婦^湯氏傳

劉仁本

張正傳

蘇伯衡

温州新建帝師殿

碑

溫忠靖王廟壘碑

宋濂

禪師照公石墳碑

文

東華王公祠碑

茅坤

金野菴傳

張宇初

金貞婦高傳

蘇伯衡

黃母劉傳

蘇伯衡

公 祝



陳節婦傳

侍郎章恭毅公傳

王樵守傳

姚洙楷傳

蘇伯衡

何喬新

王世貞

戚子標

二頃母傳

張文忠公傳

王憲副丞傳

義犬傳

宋濂

王世貞

李維禎

劉壘

旌忠愍節廟碑朱子集卷八十三

紹興三年十月己酉信州守臣王自中言臣幸得蒙恩剖符假守支

郡視事日考按圖牒竊見故簽書樞密院事張文忠公叔夜故知

同州事鄭威愍公驥衣冠一藏皆在郡境蓋聞在昔靖康日難虜騎

長驅都城危迫四面勤王之兵遂巡前却莫有至者而文忠獨以南

道入師千里赴難軍鋒甚銳每戰必克乃以廟算猶豫卒不能有成

功而崎嶇顛沛之餘竭力致死猶以必存宗社為己任事復不就則

遂開口絕食而以身殉焉其後虜人分兵西圖關陝所向降下卒不

以意則又有如威愍公獨以孤城懍卒嬰其乘勝疾銳之鋒蔽護三

秦以備巡幸虜兵大至鄰援四絕知不能守而勇氣彌厲誓必與郡

俱為存亡城陷之日遂隕其生而不悔是其見危致命殺身成仁皆

碑

南宋



孰克用勅守侯清命奠此敦宮煌煌巨扁合舊增崇張牲有碑螭蟠
龜負我其銘一過其必下 紹熙四年五月戊寅具位敦安朱熹撰

熹既銘此碑明年秋子造朝道出祠下往拜焉則親象未設而從
亦未設功則其故則曰王侯既去而歲惡民饑兩令得亦休更而今玉山
寧溫國司馬君廷格歸終之也君文正公諸孫其大父忠潔公亦以是
信比特守節不汙沒其身宜其有感於二公之多不特州家之命亦
卒有以成王侯之志也十月壬子以訖子來告熹以為是亦宜附附
因紀其事使寫刻於碑之左方 旌忠

温州新建帝師殿碑

柳貫待制集

郡府得建帝師殿像而祠承國制重祀典也初西域聖師八思馬
以其真智慧寔具一乘之解脫完三藏一言詮東來京師為世祖聖

德神功文武皇帝陶揚妙義通流教法言出契機尊為帝師其
隆祀備物古之與比而聖師亦自以躬逢極治朝願效師心學
乃依竺乾聲韻制為國書數字錄本上之有詔頒行天下且命官府
符章制法文字悉以數字從事內而京邑外而郡城國咸立字子使
承子小生肄業其中至治初元天子申勅列郡大建新廟務極崇侈
以稱國家褒揚振厲之意温州在浙江東為大府名於時守臣祇奉
德者卜地城東華蓋山下羣工子素材良築堅殿成而穹殿中峙門
堂翼映軒序回旋搏土為像黃金之膚五色之表光采流動如兩眸
盡計其楹題之美壘腹之華豈止誇雄稱麗於烟越之疆而已也自
其肇建逮今元統甲戌十有五年而以闡飾漫漶弗治長枚側然
用厥旨新重惟一代制作之感侯邦盛祀之隆不形篆刻曷揚景鍊

温州橫山仁濟廟碑 宋濂 宋文憲公集十四

祀北水曰龍禦大菑則祀之故捍大患則祀之先王之制非惟崇德
報功以垂勸於方來亦所以達幽明之故而察鬼神之情狀蓋受氣
剛大其決不隨物漸盡其性警動威靈以錫羨萬民乃其理之所
有豈其多疑於鬼神遽絕謂年之夫豈可哉有若橫山廟神之事其
明效之觀已神諱凱字公武性剛氏世居臨海郡之橫陽生而雄偉
身長八尺餘髮垂五地善擊劍能左右射披文而強祀家雖貧躬耕
以養父母及司馬氏平吳與陸机兄弟入洛張華薦之神知晉室將
亂獨辭不就時臨海屬邑曰永寧曰安固曰橫陽也皆瀕海海水沸
騰蛇龍雜居之民懼其毒神遂自洛乃白于邑長隨其地形鑿壅塞
而疏之遂使三江東注於海水性既順其土作又永唐中三江逆流

颶風扶怒潮為孽邑將陸沈民咸懼為鬼神奮然曰吾將以身平之
即援矛奮矢大呼衝潮而入水忽裂開電光中見神乘白龍東去但
聞海門有奔水雷而神莫知所在矣俄而水勢平江禍乃絕邑長思
其功號其里曰平水且建祠尸祝之祠初在城之西郊及更永寧為
永嘉郡郭璞相土遷之於西洋遐迹微靈其年虛日神功益用赫并
陳正德向國寇章大寶侵分水嶺其氣勢張甚民爭遁逃神見天兵
於雲向戈甲耀日盜警而潰唐武德中輔公祐為亂其黨入寇民依
華蓋山築城而拒守之時春夏神降大雨電寇弗敢近城因得不
陷天寶中河決澶州怒暴不可制神見黃旗驚濤向河復故道光化
末天台大飢神化形為商載米貸人已而投杖于江變成赤龍騎而
升天宋景德初契丹同其母蕭氏南侵丞相寇準殿前指揮使高瓊

奉真宗親征車駕過河幸北城天際見力士數萬旌旗上發鬚相平
水王字虜懼法盟而退大中祥符初詔營玉清昭應宮取材于溫
樂成使以重山不可致走禱於神忽風霆凌厲龍湫震盪巨石皆
起立大木斯拔蔽江流而下神之靈異或見其祀或相傳又老
口以此其蓋不一而足今則粗舉其概而已神初封于唐為平水顯
應公尋陞王爵賜宸冕赤舄宋累加通天復國仁濟之號從祀郊壇
兼賜仁濟以為廟額元復加威惠進封太和中聖帝遂易廟為宮建
入國朝壹以誠事神以為教加溢美之辭非所以敬恭神明昭祀官
定儀為橫山周公之神王於廟宇之建修皆郡守任其責可考見其
自陳毛喜建元左谷伯朱里凡十三人云昔共大禹當洪水橫流
時隨山刊木奠高山大川民始得平土而居千載之下觀河洛必

思禹功而弗忘天哀民彝其不可泯也以此若神之為憫生民之昏
墊奮身而興捍患禦災堂之泯得遂桑土既廢而不混為魚鱉其
果德之力歟夫禹之功在天下神之澤則被乎一州雖有小大之殊
其惠利萬民之心則一而已厥而祝之誠合先王之制禮之義孰謂非
宜州人士永嘉教備許士宏訓導張升迄今以示未其介鄉友秦王
府紀善林君溫徵濂文勒碑於石濼既為序其事復作歌一篇使邦
人歌以祀神其佑神張鉉字子元郡人由右科進士仕至涇門宣贊
舍人剛烈正直嘗上疏言事忤史嵩之被斥而歿既歿而顯靈太守
吳泳因并祠之泫當附耆文中歌曰
東甌之地大海濱止片鹵噴蝕成荒堙止有時魚龍或怒噴止就翻
巨浪高嶸岫止懷襄勢殷莽其根止惟神我憫眉展顰止帥眾疏鑿

不憚勤止夜役陰兵直達晨止三江順流直掩伸止盡化魚鱉為衣
中止一旦颶母號秋是止江流逆上波捲雲止城廬沈溺在途止
神如事急如救焚止宵多注天省殞身上眼不見水惟見民止衝濤
直入勇絕倫止海水壁立左右分止赤雷飛射光相激止神乘白龍
赴海門止號三似聽驚雷奔止水禍頓弭神具歛止有室之居田可
耘止金言昌以洲大勳止有齋摩祀西洋清止漸周吳越泊七函止
神功殫感海寓聞止天兵建隊向空散止旌旗上舞鳥篆文止虜氣
罄盡去解屯止况奔狗亂視欲吞止河道迤復流沄沄止投杖化龍
靈跡存止疏封直至帝王尊止冕旒袞衣佩璠璫止神氣塞乾
坤止下上月月摩星辰止元化沕穆合神人止醜民戴神忱且恂止
遐迩奔湊川之臻止以見靈旗降續行止牲牲肥膾酒苾苾止駭斥

厲鬼恭祿蕃山太史造文勒堅珉止後千百載期年護止

橫山三宋

溫忠靖王廟堂碑 宋濂 宋文憲公集四十一

歲在潤逢沼灘斗杓直寅某日某甲子東家道士儲祥曦新作溫忠
靖王廟成後十有一年太史氏濂為之記曰太虛之間一降一升而
故橐籥於年窮其非氣母也耶氣母之所孕其出之根其入之穴而
牙應也甚神人能察乎陰陽之變而不凝滯於物其知鬼神之情
狀矣乎王姓溫氏名瓊字永清溫之平陽人父民望嘗中明經甲科
年耄子嗣與妻張道輝晝夜顛若上辛一夕張夢一神手擎火珠自
天而下來謂曰吾乃大神君將降胎為人張竟赤光被體中猶熹
熹然因有姪以庚辰年二月五日午時生於左腋有霆篆二十
四右半之七歲習禹步為罡十四通五經百氏老釋家言二十六舉

進士不第乃捫几歎曰吾生不能致君澤民死當為泰山神以除天下惡厲身後制三十六神符授人曰持此於地上鬼神言已忽幻葉又象屹立而亡蜀葉天師後用其符禁除沴氣為人畜甘行佛見王衣赭袍握寶劍乘追風駁下初召之家遂皆祠王以祈靈響焉王初封湘靈昭武將軍正佑侯其曰正福顯應威烈忠靖王則宋季之累加之王之奉行見於傳記其如此自薦伸先生言之所謂怪神之極殊不知氣母之所孕入奇出神靡所不有蜚龍感而異人生元象應而神蹟著蓋不可一二計惟夫偏籟或足以病民政必降剛明正直出而祛斥之此天之道非所謂怪也古之聖神體天以訓民鑄身象物使民知神姦故入川澤山林魑魅魍魎莫能逢之奈初氣流俗微御陰陽通神明之術不傳方士之徒遂得窺其機權而

用之世之昧者不知出於古聖神遺法咸歸併道家徒之鄙其禱誕不僮嗚呼是果禱誕不僮哉耶非耶系之以詩曰南離有赫大火神上下六氣凌三辰靈龍乘輶輔以雲被髮下降瘴海濱帝出乎震物以伸約束百鬼地門神往往勢翩幡豹韃絳衫紫纒中七斗直斂火暈輪嶽祇瀆鬼爭駭奔厲或叱人憑使泯弼贊元化歸一鈞東嘉山翠嶙峋作宮翼之鸞鳳騫牲牢充脂酒鬱燭挺然正氣扶乾坤山明澤媚日曠暉

佛性圓辯禪師淨慈順公逆川瘞塔碑銘 宋濂 宋文憲公集十一

濂自幼至壯飽閱三藏此文粗識大雄氏所以見性明心之旨及將仕中外頗以文辭為佛事由是南北大浮屠其順世而去此多以塔上之銘為屬衰遲之餘洪習皆空凡他有所請輒峻拒而不為獨於

塔銘

鋪叙悽慘評薦梵行每若不敢後身蓋欲表般若之勝因啟眾生之
正信之有如佛性圓辯禪師共瀟安得而不銘諸按其嗣法弟子行
圓所造年譜師諱智順字逆川溫之瑞女陳氏子也翁生道美娶婁氏屬玉哭子
業既歿蓮花現門屏回師之太父母也翁生道美娶婁氏屬玉哭子
其情不勝哀乃塑智公大師像事之一夕夢僧頂有圓光逆江流而
上招婁氏謂曰吾當為汝之子及寤而有娠師既生美質夙成年五
歲即從季父季季父引生徒渡溪抵萃墅師欲力相隨季父怒麾之
遂已而溪暴漲季父生徒皆溺死然自少不喜畜髮備然有塵外趣
婁氏弗能留七歲俾依仲父慧光於崇興精舍稍長受具戒於大寧
禪院其父亦樂修持淨觀俄離俗同居精舍中精舍將圯師即怛眾
力葺之時年甫十八君子固知其為適用之材暨習法華經歷三月

通備其文慧光尤器之使出游永嘉與相院竟源璿法師愛師俊朗
挽其為嗣會橫雲岳法師大宏三觀十乘之旨於水心法明寺師往
而受其說眾推為上首居亡何走雁山雙峯不契所言後走千佛寺
毒海清法師方開演長出御講清師為獨繼之職軌範為之肅然毒
海入寂師感世相年常歎曰義子雖蓋多聞難禦生死即禦生死舍
自性時矣明我遂更衣入禪復走倒上天寶山參鐵佛振公公圓悟
八世孫也授師以心要傳而行之似有階漸欲依公而住公叱曰文
夫不於大叢林與人相頡頏局此蠡殼中耶拂袖而入師下旦過寮
潛然而泣或憫之慰曰善知識庭高峻拒之即進之也公聞其事
笑曰吾知其為法器姑相試尔乃進入僧堂中師壁立萬仞年所回
繞雖晝夜明暗不能辨踰月因出廁便旋觀中園斝瓜觸卷抄札

塔銘

四體輕清如我拾出室一一毛孔皆出光明目前大地倏尔平沈喜
幸之極亟上方丈未證道公入府城師不往見水濱林下放曠自如
已而歷抵此師皆不合又問千岩長禪師鳴道烏傷伏龍山師佳叩
之其所洲應其皆涉理跡飄然東歸燃指作數願文細考於神必欲
見道而已復自念非公不足依游走因中見焉公偶出遊遙見師喜
曰我子今來也越翼日師舉所悟求證公曰此第一門耳最上一乘
則遠在萬里之外也乃囑曰汝勿忘棄前解專於考提上致力則
將自入閻與矣師從公言踰五月一日將晚考擬離禪榻忽豁然
有省如虛空玲瓏不可湊泊厲聲告公曰南泉敗衲今已見矣曰不
是心不是佛不是物是物師曰地上孰鋪屋上瓦覆公曰即今南
泉在何處師曰鷓子過新羅公曰錯師亦曰錯公曰錯師觸礼一

拜而退公曰未也也公披大衣鳴鐘集四眾再行勘驗師笑曰未吐
辭之前已不相涉和上眼目何在又為此一場戲劇耶公曰要使眾
皆知遂將宗門世法一一訊師師一一具答公然復囑曰善自
護持勿輕泄也久之令掌藏室尋請分坐說法公既捐館師嗣住院
事非惟奉唱宗乘寺制有未備悉補足焉覽驛道達於山門踰六七
里擇地構亭以增勝概眾方賴之忽尔弃去過杉關抵百丈上迦葉
峯渡江入淮祀世祖之塔住建業回浙中越如野鶴孤雲年所留
礙尋返示嘉會王槐柳遠報恩院於瑞安大龍山首世師為之參
徒寢感至八百指師建僧堂棟居之石室岩禪師至江心豔師為
復以第一座處師師翩然而往未幾又以何山精舍棟宇淋漓不足
以容眾拓之為大伽藍為建大雄寶殿及法堂山門兩度方丈庫院

之屬而壞像法壁畫莊嚴事亦次第告完平陽吳德大創歸源寺原
援振恩之例清師用山師慈憫心切亦不欲拒既至為造小大鼓鍾
魚板法器而叩擊之授職分推升堂入室皆拘清規而行時東海有
警元帥達忠介公帥師鎮台遣使聘師入行府師以達公方有事干
戈絕之弗見達公慕咏弗置蒙逆川二字遺之師因飯因戒其勿萌
遁逃心即重見日月不久而赦者至周吳二囚以師為神其後山寇
竄者二囚寔為渠魁所獲之處焚毀欲盡歸原報以師故獨存師終
不違寧處避入空礙菴又還歸原朝廷為降院額賜師今號及至稠
法衣師曾云以為悅志散其衣蓋所畜退居一室掘地以為爐折竹
以為箸意淡如也温城淨光塔雄鎮一方年久將壞方參政初嘗成
其城欲賦民錢葺之命師蒞其事師曰民力凋敝久火鼓爨之而後

加葺焉安忍為之必欲是用官中勿擾吾事若年所聞知可也方諾
之師乃定計城中戶餘二百戶捐米月一升月獲米二百石陶甃
掄材若神運鬼輸紛然四集鎮心之木以尺計其長一百五十最
難斂之師後笑趨辦之成既粗完其下仍築塔殿宏敞壯麗九斗之
勢益雄一旦颶風作其上三成撲之入海濤眾咸傷之師曰塔終
不可以就乎持心益固遣其徒如倒鑄露盤輪相及鼓珠之類日將
月就闌楯桐戶一一就修鮮碧明猶天降而地湧也糜錢過十萬
而工役弗與焉辨章燕只不花出鎮固省道過東甌夜觀塔燈燦煌
知師所造乃偈師向道并後般若經師用漢言直解之辨章甚悅頌
謂左右曰西天諸師授我以密義尚不能相恤今仰逆信川師言則
心地開明矣亟呼舟同我入回宣政分院請師住東禪庵制不一載

塔銘

明

旬殿堂轟如門序森如藏庫煜如博士以役洪像梵容穆冲各隨相
變現靈山一會嚴然未散畢功之日省院臺存祀官與大毘邱衆共
落其成師則曰未也復苑東南二門通達若干丈營福城東際花藏
海南參初地三牌門營普菴堂以施茗飲浚湯泉二所以利浴其限
以垣墉縈行其徑跡而馬牛羊自而入補刊削元藏經板仍印施之
寺以宏濟人其年不為也先是淨業慶城東報國船塔寶月松峯
洪寺兵燹之餘莽為荒榛福建行中書將籍其產于官師言於辨章
獲仍其舊辨章欲向大藏尊任于家或以几席什器雜具為辭師令
浮屠一百七十人為什分亦於右刺表以題號一時畢聚仍畫為首
仍物蓋次序列之給役校飲饌旬其亦更番而進每以鐘鼓為節後
先不奈辨章悅曰使吾師德我則吾敗北之患矣師俄散財如歸原

時恬然而退辨章留之不從會雪峯虛席辨章強師補其處師不得
已啟行未行先鳩工師二十人往極室廬之敬側其既至絲毫之費
咸自己出猶素莫不從化有徐子剛其據寺之安仁莊收粟萬斛聞
師亟亟輸送之却使甘藁驩自負通楞嚴寶積二經輕視世人師以
閑健詰之敘往而去已而遠思温方參政具船迎之于佛院災多有
起其廢其師彈指頃千佛閣成未幾前門左右序又成俄東甌內附
師潛居林泉若將終身江心蘭隱逸禪師市材於山欲建萬佛閣而
年耄力不勝遂以屬師師起而應之亦不日而成且為砌釋迦寶殿
剝解脫門以至蒙堂徑堂不具足焉初師來材於山道經普安院
院燬已之唯山門歸然烟雨中師見之笑曰吾為尔移山門為佛殿
何如衆皆合爪指謝之師為撤瓦輦致故基一毫年所損徐取寺山

之木重完僧堂而後返皇上尊尚佛乘召江南高行僧十人於鍾山
建寧度法會師與其列升坐演說聽者數千人駕幸臨慰向備至號
為一時冠遇後事遂錢唐清遠渭公方主淨慈舉師以為代師初不
從繼而歎曰所貴沙門行共隨緣應世何所容心我乃振錫而往淨
慈當兵後凋落殊甚師亟還鄉召匠計傭錫其篋篋而來欲火有役
施而泚僧員官通其係累備庭師為之出涕恚代償之會中朝徵有
道淳庵以備願向眾咸推師師至南京僅四旬月沐浴書偈而述寔
洪武六年八月二十日也世壽若干僧臘若干二十一日僧維於聚
寶山獲役利羊算得其法也曰文題曰興富曰某其一即行圓於是
持靈骨而歸建塔於某處以明年某月某日藏焉師有五會後若干
卷善財五十三卷偈一卷皆傳於世大雄氏之道不即世向不離世

向鳥之歧而二之我心空耶則凡世間世相高下洪纖動靜淨沈等
非自妙性之中發現苟為不然雖法王所說經教與夫世祖印心密
旨皆為障礙矣嗚呼道喪人亡埃風渺瀰焉得逢理事不二有年双
泯共相與福斯事我師自得道之後坐紫檀座既已設法度人本其
餘力往往莊嚴塔廟使人為遠罪遷善歸斯蓋近之矣或共不知
專委為人天有漏之因夫豈不哉夫豈不哉銘曰

大法雖空外兮收攝在一心元漢不示象兮視之儼若存了不分精
粗兮空對乃為尊者涉有情見兮雜糅成羸虧理事本不二兮縱橫
隨所一渾涵送大同兮偏照光陸離東甌見休徵兮蓮華出屏間異
僧佩圓光兮逆流踏波網元符既覓拔兮何能滌塵寰我之天竺山
兮鑄鐵為南扉奮迅一朝入兮窺破生死机盡洗結習垢兮真休靈

魏三方知有為相兮不離矣為宗彈指幻塔殿兮毘盧樹樹同因敬
乃生悟兮自外而廓中歷坐古道場兮手執青楊枝甘露恒四洒兮
餐之甘若飴木石被雷閃兮夜无分五时大明麗中天兮佛日同輝
昭所資生盲功兮欲使陰冷消爰集法淨眾兮梵音撼海潮唯師所
說法多矣耳名者聞一言應自根兮千劫不作塵天光下照燭兮恩
冠仙便蕃卷舒每随时兮孤雲本何心生滅已兩空兮遺踪邈難尋
勒碑在中林兮振德于古今

佛性

宋文 濂公集十五

阿育王山廣利禪寺大千禪師照公石墳碑文
西方聖人示現世間百億三昧非度內而禪定之宗寔為之錫鑄
蓋覺性圓明本來充滿色三界而不礙窮萬劫而不昏非涉善惡了
矣顯晦岩橋潤飲之士故泯世塵刹那之頃澄入一寔境界光明殊

勝與虛空同體不起不滅所以其教熾然常感而不衰有終知之而
又終遵行之其我大千師乎師諱慧照大千其字也永嘉麻氏子
麻號積慶之象宜生上士父均母黃氏既誕育師室之勝摩尼珠師
自童年亦駸利信常堅欲入道聞人誦習契經合爪諦聽年十五往
依沙門了定于縣之瑞光院了定師從兄也長老良公知為法器即
繫髮為弟子明年稟持犯於處之天寧蟬蛻萬緣誓究大乘不思議
事首謁晦机熙公於杭之淨慈未契圓證一日問真淨語至頭陀石
擲筆峰處默識懸解流汗浹背時東嶼海公以石林鞏公世嫡提唱
於蘇之薦嚴師杖錫往謁東嶼問曰東奔西走將欲何為師曰特來
參礼尔東嶼曰天年四壁地絕八荒汝於何措足耶師抵掌於几而
退東嶼知其夙有所悟尋復召吾反覆勘辨師亦宜僚擲丸飛翫空

碑銘

中東嶼甚嘉之遂留執侍左右師以為心法既通不復備多羅藏年
以闡揚正教聳人天之聽乃主藏室於郡之萬壽及東嶼選淨慈邀
師分坐以表儀四眾已而多言宣公主溫之江心監師高行復招師
至處之如淨慈天歷戊辰出世樂清之明慶據師子坐集諸僧伽而
誨之曰佛法欲得現前莫存知解傳禪看教未免皆為障礙何如一
物不立而起居自在乎所以德山之棒臨濟之喝亦有甚不得已矣
聞其說釋而去至正乙未遷四明之寶陀先是寺以構訟而廢師以
証具在乎辯難太迫一處之以寬慈絕與弗終且曰我佛得法淨三
昧所以超出群品我為佛子而不遵其教耶眾服其化寶陀僧夢一
神人衣冠甚偉飛空而來僧作禮問之神人曰我從阿育王山來欲
請大千師赴供耳未幾行宣政院署師住是山識甘以為元應師既

至群疑景附遠眾響臻師亦憫大法陵夷等之誘掖不遺餘力嘗垂
三俚語以驗參學其一曰山中猛虎以肉為命何故不食其子其二
曰虛空多向背何緣有南北東西其三曰飲乳等四大海小積首以
毗富羅山何故是汝最初父母此第三關最為峻切惜未有契其机
其居九年退於妙喜泉上築室曰夢菴因自號為夢世叟掩關獨處
凝塵滿席不顧也洪武癸丑十月朔召門弟子曰吾將西歸汝輩有
在外者宜趣其還越七日屬後事於住持約之裕公沐浴更衣索紙
書記書已恬然化滅在菩提位中歷七十夏示人間壽相八十五年
徑三日用茶毗法焚之牙齒眼睛及教珠不壞餘成舍利羅五色爛
然約之因造四偈贊之且竭力為法喪事云師三坐道場有德錄若
千卷行世凡一燈所傳一雨所潤雖淺深有殊各得分願弟子某等

若干人得法上首某某等若干人。是年十二月九日。英靈^前於夢菴。後世至大也。師智度冲深机神坦邁。晝則凝坐。夜則兼修淨業。真積力久。至於三際不住。覓觀湛然。非言辭可擬。儀且服用。儉約不。恒僧雖不與時俗低昂。賢士大夫知其寂寞。不事矯飾。多傾心。為外獲其遇。字徒亦以真率。或以事忤。而亮色不變動。出語質朴。不尚葩藻。而指意超於言外。名聞燕都。帝師被以佛德。圓明廣濟。號師畧不少動于中。初橫川珙公入滅。年師招生。及其受業。又同在瑞志。至於歿也。又同住阿育王山。君子或異之。嗟夫。禪定之宗。至宋季而散。膠滯局促。年以振拔精明。使直趨於忘跡。橫川當斯時。密受天目法印。持降魔杵。樹真正幢。升堂入室。其不翅受靈山之所付囑。佛法號為中興。橫川。同門。有石林。其奮與寔。角立東西。共幹化机。西

來之道。於斯為盛。師蓋石林。孫也。故其死生之際。光明盛大。有如此。豈多自而哉。某維不敏。每以文辭為佛事。今因文安。請故厯序師之行業。勒泐琬琰。而復繫之以銘。用勸方素。繼師而興起焉。世當有其人。子銘曰。

萬緣紛紜。逐物而競。曷以攝。寔惟禪定。禪定斯向。言辭罔宣。浮翳盡斂。月輪在天。初介一燈。千燄交映。如百鍊鍊。金色逾勝。師之挺生。銳思盡絕。塵萬里只尺。欲趨頓。片簡雖微。中具全體。瞥爾觸。凡情盡死。從抵碩師。勇決。私振迅奮。擲類獅子兒。出世為人。澍大甘雨。法雷轟。震驚百里。海岸孤絕。潮音吐吞。與此大法。殊流同源。神人飛空。持疏求偈。孰知元微。若合符節。彼舍利羅。寫塔畫扁。助我發机。靈光晶熒。翩然西歸。趺坐而滅。示不壞相。大中殊絕。生死。閑鮮。

批其樞。坦也弗惑。其人歸。庭前脩。浙遐。後武思。屬不有。昭。道則淪。
墜。太史著銘。勒石山樊。虛空有畫。師道永存。

永嘉文信公新祠碑

謝

鐸桃絡淨藁八

四

成化壬寅夏四月宋丞相文信公新祠成祠在永嘉江心孤嶼蓋
宋德祐中公避難興復之地去今且二百年矣即其地與其時尚想
見其風聲義概歷如前日事雖小夫婦女皆知公不死之心其不眷
祠而祝。固天理人心不容已而亦安知公不死之心其不眷
於此也哉當夫宋社既屋天下為夷公方問閩萬死脫京口走真揚
涉江浮海力求二王所在以一至於是也人孰不曰矣。為矣。而
公也指日誓天載跡載奮盡瘁鞠躬不震不懼以一旅未亡為與王
之期以一息尚存為報國之計必欲誅浞若臣靡。於夏必欲討卓

若王允之於漢必欲挫温遏堅若謝安之於晉凡其長。致力於未
極之向強此之衰以報彼。進者皆聖賢之所屑為也故在易之遯
曰小利貞又曰與時行若乃併命於一死以自異於忘君誤國之徒
夫豈公之所難哉故即是以死公之平生不難於死而難於未死不
責其未死之功而予其必死之志不於宋亡殉國以死比何限而獨
公為。首稱哉初公。在難也。門下客莫有從者獨吾邑杜大卿許
慨然從公以行竟克脫公而大卿亦卒死於國然則祠公於此而大
卿其從與享。固禮也哉公祠在京師在庠陵其已非一日永嘉
祠則今劉令尹遜所創也令尹於公為鄉後進知公為詳因白其郡
守項君澄而為。既成有公像其中仍置田以供祠事於是郡邑兩
學之士謂其有閩風教也將刻石以紀。以其師。命未告於予於

字公之赫、不、蓋此固不祭祠之有矣而名矣有於予之言哉獨
世之鄉從不足甘非此足以致其至而令尹乃能於後合傳者之所
不急其力倡之以風示當世是固不、以不考因者、且遺、詞碑
歌以祀公其詞曰孤峭兮江中屹顏波兮我公江之流兮深、公心
萬折兮必東乾坤兮易位江山兮改色擘楫兮中流渺三四海兮焉
極江之、水兮上通於天孰挽而下兮洗此腥羶江之水兮與海不竭
石不、填兮臣心摧滅日慘、兮江流哀公神不死兮尚其駕風濤
而或來緊廩食兮江渚萬歲千秋兮有此水
廣東按察司僉事贈太僕寺少卿東華王公祠碑 茅坤鹿門文集二十一
予友王君之戰沒也大司馬胡公嘗疏其事於朝天子愍、贈太僕
寺少卿廕其子賜祠於制予聞而為、哭且哀而海內、士相與移

文信公

文而吊且銘其墓矣然大略悲君、才虬龍也不當死蜴蜥之難而
又以君子仕為社稷死則死之為封疆死則死之君鄉大夫也何為
赴枹鼓而與將帥之士共死後也予予聞而又為、哭且哀竊疑君
賢也必有所以處其死已而副使凌公按兵海上為君卒祠事因
遣其子如圭來請予志予攜圭後哭圭且號曰君抑知先大夫之所
以死也予予來海上永嘉場祖宗以來所世世丘墓與天子之賜者
在焉方海夷之寇也郡縣、兵已嬰城而守而先大夫為伏厥而哭
因備於族大父名沛其括其族之丁與同里、丁蓋千人稍、放古
鄉兵之法而尺籍焉海上它戍兵所奮輒敗去而族大父獨勒習先
大夫所部署兵禦之于上金斬其首以下十有六人俘十有四人奪
其旗鼓與其騎二十有五又拔其所虜男婦耒歸身百餘人當是時

碑

川

夷幾歿而于死丘墓得矣恙海上諸戎兵亦遂倚永嘉場為疆壘明
年扶大文帝復禦之梅頭水初而戰且歿矣先大夫深痛之泣然流
涕曰噫吾父死矣吾焉得不死之乎於是過廟而哭後繼孫丁與
閭里丁及之于金輿戰數合又倅斬十餘級會它寇特至先大夫
力戰不能支遂沒嗟乎聞古君子於廟崩則為之服言不敢死祖也
而先大夫之死為丘墓之方其仕則死封疆死社稷而士庶人則死
於宗廟祖也君抑矣得憐之乎且古之士死不同或重於九鼎或
輕於鴻毛蓋幸不幸存乎其間而其所不苟於生其則一也故鉏麇
之行賊焉而死公孫杵臼與程嬰立朋友之後焉死屈原諫於其君
而不聽則湛汨羅焉而死數千百年來學士大夫之讀其書想其遺
事未有不泣然欷歔而投書以弔之也古之人或為之按其事而書

之曰推此志也雖與日月爭光可也先大夫之沒蓋於屈原程嬰而
上世君子庶幾近之聞豫讓之赴智氏之難也其妻其妻不識其友
識之君於先大夫為禮節必能矣一言榜之於其祠以慰族之人與
其閭里之人過祠而哭也予聞其言而涕曰吾曩故疑君之必有
所以處其死斯言也所以報君於九原矣君諱德字汝修少慷慨有大志與予同年進士釋褐初嘗讀于肅愨公傳即曰吾鄉烈丈夫也
推官東昌及大名及為給事中及出僉事廣東並傑然有古名臣風
嗚呼使君得志則其所樹立與亦施國家當哀然與肅愨公日月俱
遠可惜乎未之竟也然其死也卒以勤事亦異也已予持志天子之
所以祠君故也並不之及系之以樂章令里之人春秋祠得肆之鼓
吹而歌焉其詞曰維公之氣兮鬱乎虬龍噴雷雲霧兮而其沒也於

碑

明

丘中維公之材兮矯乎干將翺翔萬里兮而其歿也於一鄉誰謂非
死兮死以宗廟亦士之恒嗚呼肅愍兮君所矢志展也其似

太守文公新祠碑

夏鏞

交城集十八

王東華刻

正德壬申冬十有二月永嘉趙生公澤以其父兄之教來致其前令
文侯治狀一軸於我曰子有所知舊如侯也敢以石事累於乎知舊
是也石事殆非吾業知侯以名進士知永嘉予在弱歲便聞侯名美
政清尚與姓氏偕來塞耳及某以進士往返憫門始面識侯見即傾
蓋問語及詩格一言相下至今猶憶之時候以太僕丞在告未幾用
言其起為永嘉守辭請弗得乃就事在郡幾年再疏求放免既而以
櫬歸距今幾年而溫人思公不鮮相與建尸祝之所溫之俗凡守令
代去於賢而有異政其概畫像以事其有德於我久而益章則為祠

而族祀焉故夫專祠為尤難侯之子璧嘗出侯平生論奏三卷處予
篋以歸徵為序向一發讀為之快慕掩卷慷慨而已辭則未遑也乃
今治狀一軸類皆作縣時事郡行畧甚以其故或言是邑人士亟欲
專致其懇悃於侯而不計侯之後政則遍及於五縣其說不誣也於
是益見侯之於民意計其所以入人必有言語所未能推列也然非
言語則何以昭後世俾為之名以傳不朽侯銳於為理利必與故
所宿根柢牢密或勢不可治亦必梳剔穿掘推刷以去之論事清確
勤於敷奏操正吐方乘午抵突率多忘己之事以為人左右化理有
吏有儒隱也古循良之風至今尤凜焉傳曰人有不為也而後可
以有為某知公舊嘗於進退去就之間見公所養之深固宜其所樹
立於此也惜其位不載德出未盡其藏願使本源本其位侯之位

於子奈何某病且懶雅不喜為文而文以俟來謁又王洋人子揚慶
澤之兄公澤手書累一字他悅璧又嘗以三卷以記我以此償
彼皆不可失侯諱林字宗儒璧字徵明本與我為父子遊既序而系
之間使歌以述神詞曰

築人心兮新堂侯歸來兮九山蒼緯惟兮素塵粉牆兮黃麟表双松
兮覆喬雲鶴去兮不返梁斷兮年亦江悠兮日夜思夫君兮滿城
滿城兮跋予神之來兮靈風先驅慰我兮止以德我翱翔九山兮烟
月阿那草生兮謝池水落兮象浦春秋兮我亭廢食兮終古

抱一翁傳戴良九靈山房集十九

抱一翁其東嘉人也今居越江上姓項氏名昕字彥章晚更自號抱
一翁曾大父某大父某父某比三世俱以和義維其家翁自幼聰敏

好方教外大父杜曉村世業醫常奉父命謁受其書讀之年未成童
已暗誦岐扁素難王叔和脉經稍長學易趙穆仲葉見山所後以母
病醫誤投藥死痛之乃益厲志醫術欲盡受他禁方聞越大儒韓明
善先生為方善也遂往拜之盡得所藏方論甚富後更詣陳白雲受
五診奇賅歷試其說皆精良會金華朱彥脩來越出金源劉河間張
戴人李東垣諸書示之翁獨疑古方不為治今病之論亟往錢塘見
陸簡靜叩之悟古今方同一矩度也後又往浙右見葛久編劉
張之學又往建邺見戴全父全父亦是郡儒甘為僕五運六氣机要
若干篇授翁太醫院使張廷玉善橋引崇摩甚奇非世之所聞之翁
亦得見事之盡其伎於是為人治疹病決死生無不立驗里鍾姓其
一男子病脇痛家醫以為癰也投以香薑桂之屬益甚翁診其脉告

結聚客於肺陰脈之不足則過於宣逐也。泄氣本乎肺肺氣逆則出入易苑陳陳故行其肺氣而病者自己建康萬夫長廉君病醫投丹附薑桂逾甚翁診其脈告曰此得之酒病當噦作食入即出而後洩不利廉曰然予平生所嗜獨燒酒翁進薑花解醒加黃芩飲二升所勢減廉醫以藥性過寒交沮之翁既偏不協辭去即歎曰寧而虛過二月當入鬼錄矣果如翁言翁所以知廉病切其脈細數而且滑泄數為熱滑為嘔為胃有物酒性大毒大熱而反以熱劑加之是火其大也且洩秘為陽結今皆反治故二月死也。茶商李富人也啖馬肉過多腹脹醫以大黃巴豆治之轉劇翁後至診寸口脈促而兩尺將絕翁曰胸膈邪故脈促宜引之上達今反奪之誤矣急飲以湧劑且置李中庭使人環旋頃吐宿肉仍進神芩丸大下

之病去眾醫咸曰予所不及也折東余憲史君素若足病發則兩足如柱潰黃水踰月乃已已報復翁診其脈告曰六脈皆沉緩沉為裏有溼緩為厥為風此病風溼毒俗名濕脚氣是也乃以神芩丸竭之繼進舟車神佑丸下濁水數十出遂不發動南臺後者郭公久患泄瀉惡寒見風輒仆日臥密室以氈蒙其首熾炭助之出語曰如嬰兒泄醫皆作沉寒痼冷治屢進丹附不時噦翁診其脈告曰此脾伏火邪溼熱下流非寒也法當升陽散火以逐其溼熱乃煮升麻柴胡澤瀉羌活等劑而繼以神芩丸郭曰予苦久泄今復利一恐非治也翁曰公六脈浮濡而弱且微數濡甘溼也數為脾有伏火也病由溼熱而且加以熱劑非苦寒逐之不可法曰通因通用吾有所試云頃利如木屑廿三四出即蒙首一氈去次去熾炭病旋已郭

董允謙妻患血三年許醫以血得熱則溲溲服瀉心涼血之劑益困
血數點輒昏翁診之六脉微弱寸為甚曰肝藏血而心主之今寸口
脉微知心虛也心虛則不能司其血故逆而妄行法當養心仍補脾
寔其子子寔則心不虛矣服琥珀補心之劑愈淋師胡公病發熱
惡風而自汗氣奄奄弗屬泚醫作傷寒治發表退熱而益增翁診其
脉陰陽俱沉細且微按處以補中益氣之劑醫止之曰表有邪而以
參芪補之邪以補不愈感必死此藥矣翁曰脉沉裏病也微按其五
性之火內扇也氣不屬於中氣虛也是名內傷經曰損於溫之飲以
前藥而即懸南臺掾梁亮思使困而足不能履醫以風偏或以脚氣
治經年不瘳翁行之六脉僅微數而他年所病即探患處乃肯出不
入肯察耳施以按摩即愈南臺治書送里迷失公足失履而傷腕肯

掌反於後出六閱月去家醫不能治公知翁執按摩曰幸予治之翁
令壯士更相摩從辰至申而筋肉盡腐遂引其掌以蹂之噫之如狗
齋藥以兩月足如常時至參政子年方稚嘗嬉戲偃臥於階側忽
驚馬踐其足胫骨斷碎即死久乃蘇翁以其治之卒完其足步履
如所苦南萬夫長陳君臨陣為刀斫其面瘡已愈而瘡與鼻不能脩
甚患時時仰泣曰吾面卒完膚生何以見妻子死何以見又母字乃
拜翁求治翁命壯士按摩面膚肉盡熱腐施之以法即面赤如頰盤
左右賀曰復故矣左丞王公畏瘡毒晨必命醫診省醫鄭生切其脉
愕曰平日兩尺平虞今忽不應指可怪也公即驚曰人長尺脉猶樹
之多根於能久生乎命他醫診之其偏不同乃命翁診翁曰此天和
脉勿妄治也因陳氣運交反之道曉之公叱眾醫曰若等誤人矣矣

奪提舉俸中二人翁一於醫多類此於是內人字子懼生者且衰也
力積善者以貽後乃作脾胃後論以補東垣之未備其畧曰或向脾
胃之有虛寒信乎曰脾胃乃百病之源然每惡寒而喜熱寒之陰氣
盛陽氣微也熱之陽氣盛陰氣微也而所以致夫陰陽之微盛其脾
胃之虛故也其則陰陽孤立而元氣徑曰有以爲實者其爲虛故氣
併則氣血併則氣血俱失故爲虛又曰陰盛生內寒厥乎上
逆寒乎積於胸不曰瀉之則過乎寒乎獨留故中寒也又曰邪乎盛
則寔精乎奪則虛故陰勝而爲寔靈樞曰風雨寒熱不能獨傷人有
猝然逢疾風暴寒而不能病者蓋年虛不能獨傷人此必因虛邪
之風與身形兩虛相感乃害其形矣此脾胃虛寒之說也又向河間
謂惡寒戰慄皆屬於熱也脾胃虛寒亦有惡寒而戰慄也何邪曰風

寒之邪始居於表有寒邪則外惡寒因之入裏與邪爭相搏故戰
慄也邪爭勝則熱發於外故戰慄愈不惡寒而反惡熱脈必洪滑故感
此蓋以定熱而致惡寒戰慄也至於脾胃虛弱傳化失常榮衛俱
虛不任風寒內外之邪易以傷之經曰因身之虛逢天之虛兩虛相
感其害至骨又曰陽虛生外寒又曰陰盛生內寒陽受乎於上焦以
溫皮膚分肉之間三寒在外則上焦不通上焦不通則寒乎獨留於
外脈必沉遲而弱此虛寒而致戰慄也熱淫於內治以甘寒河間
所論是也寒淫於內治以辛熱上文所論是也二其所以因各不同又
其批一而言哉又向戰慄鼓頷及汗噤鼓慄失喪神守皆屬於熱何
何謂熱之極反有水化制之故其治法專主甘寒以養其鬱資水以
制火也此與治癰之戰慄鼓頷亦同其法與曰戰慄鼓頷皆屬於

傳

元

熱以經首章之言言熱之一端也此及後章言瘧之始者陽氣併於陰氣陽虛陰盛而外氣爭故先寒慄陰氣逆極則陽復出陽與陰後併於外則陰虛陽寔故先熱又曰溫瘧其先傷於風而後傷於寒夫寒其陰氣也風其陽氣也瘧之寒熱戰慄鼓頷其以上下交爭虛寔交作陰陽相移也逆側偏曰人非常熱常溫而力煩熱其何也岐伯曰以陰氣少陽氣勝也人身非常寒而寒從中生其何也岐伯曰陽氣少而陰氣多也此皆不專主於熱矣明理偏則分戰慄於內外之行戰其身為戰慄其心戰又曰陰中於邪必內慄也表氣虛微內氣不守故使邪中於陰正氣虛弱故成慄戰其正氣勝慄其邪氣勝鼓頷其邪入陽明故鼓頷為戰之輕其少有森然而寒聲然而振是名曰振而振之戰之輕其由是而觀發熱而戰慄其陰虛而陽盛

也法當補陰而抑陽不熱而戰慄鼓頷其陰盛而陽虛也法當助陽而抑陰至若寒熱交爭陰陽相移又當從之逆其始則同其終則異資取化源追之迎之調之而為之治之也豈可專以寒言之舉一而遺十哉又問胸膈堅滿痞痛東垣謂之不足而中氣內傷法當補中而益其氣河間戴人則以為從逆上衝法涇腫滿此亦鬱冒皆皆淫火為病法當瀉火在上則瀉之在下則瀉之張長沙又以為邪氣所留而以辛溫之劑開散之何三法法之不同邪曰治指逆氣其有逆標其有不逆標而逆中治其証有虛寒脈有逆從其始雖殊其歸一理也經曰天之四合形風寒暑濕也地之四合有形飢飽勞逸也東垣以胸膈堅滿等証皆為飲食七情所致而謂之內傷蓋以中氣不足此邪所以留之經曰邪之所湊其氣必虛是

已其脉必弦澁虛遲故法以補中益氣使中氣既盛則邪氣不戰而屈矣此後本塞源之論蓋治法之在也河間戴人以為之偏之過其是治法有刑之邪其脉必洪寔沉滑必去其有刑之物而中氣之復又必資水以制火而陰陽自和蓋治法標也也至若長沙直以邪氣留之於中焦必以辛溫之劑散之其形之邪性曰寒則辛散熱則辛散舉痛滿曰吐痛為寒是也其脉必虛浮遲濇故以黃芩開結之劑立之蓋法中法也知子以則三法之法斷不以此偏廢而近世宗三家其往之自相抵毀而有南醫北醫之不同決不肯以寒涼施之於南方辛熱施之於北方何其自吝之若是與經曰病當向何起居固宜地方之不同者然治寒以熱治熱以寒微其逆之甚其往之要在臨時變通消息以為治安之限以南北之分而有寒熱之變

異哉又何原病式以濕熱留飲否陽而傳化失常甚則霍亂吐下又以為吐痛乃熱鬱於內故為堅痛不可以言寒又以為急痛其因寒之極而乃凝滯而為痛如是則所謂霍亂吐下而心腹絞痛其當作熱偏乎抑作寒治乎曰吐下之作罕有不由脾胃感之蓋胃為水穀之海受天之氣地之味精悍薰蒸而成其血以營養四旁往之因其變理失宜風寒燥濕之邪何以乘伏錯亂於其間風為百病之作而春溫風夏為陽風秋為涼風冬為寒風風之於天地之氣也寒風即天地之寒氣性曰歲土不及風乃大行化氣不令草木茂榮飄搖而甚民病飡泄霍亂斯固陰陽錯亂之所致矣其有食飲過制七情內鬱則濕飲否陽遂使陰陽不升降塞而不通陽併於陰陰併於陽揮霍變亂水穀沸騰而為吐下霍亂此則濕熱留飲致之然也若夫

傳

元

豎痛為熱，痺指瘡瘍皆屬於心火。火主熱化，故痛屬熱，即不以寒言。至於急痛因寒，乃卒痛偏証，痛為寒，說經曰：寒淫於內，以卒熱散之，佐以苦寒，長少以辛熱之劑，散之錯亂風寒，卒良以此身凡所臨証，固當察物之陰陽，驗人之虛寔，不可專以有熱而有寒，不可專以為有寒而有熱。斯蓋於衷之道也。翁如所治病及所偏証治眾多，今頭失之，不能以書錄，而錄其大概如此。其於為醫或在杭，或在鄞，或在潤，或在杭，為府吏，為肅政府事書吏，在鄞為帥府令史，在潤掾行中書掾，行臺一皆以醫見辟，此貴人而非所尚也。其庸僅使達之風雖素業，吏事卓卓，當時以名者，自謂不能及翁，偉儀觀美鬚髯，雙目炯炯，如電光，天性純孝，父母有疾，扶持保抱，不辭勞苦，旬朔沒則一遵儀禮，治喪平居，樂易寬厚，務揚人善而恥言己過，藏獲相失

亦不忍加以色辭，與人交盡其義，尤恩意尤至也。喜辭章善音律，工繪畫，而獨以醫顯。所著書有竹齋小彙及脾胃後編，別撰醫原若干卷，議偏宏贖，未及成。子一日怒於世其業云。偏曰：仲尼有言，人而無恒，不可以作巫醫。豈不信哉？與抱一翁為醫四十年，所其已人病者，人死甚眾，人以厚利報爾，執却而不受，與之藥，即富徒手，亦與藥，不責其償，而所物一心孜孜，然終始弗衰，則所謂有恒也。豈近之與？傳曰：醫非仁愛，不可託，非廉潔，不可信。若翁出殆之託，而信其與，至於立言，以垂世，則取此先說，說折衷之與，而一本於繩貫，微達幽，不失細小，備矣。豈非宣暢曲解，古之良醫也與。

金野菴傳張宇初峴泉集三

金蓬頭永嘉人也名志陽號野菴因蓬首中作一髻世呼蓬頭云生
故姓豕鄉井德之幼果敢有大志不羈甫長知慕道棄世慮遂師全
真李月溪月溪白紫僧徒德也一見器之命符燕趙齊楚求正馬及叅
先德李真常益有省行德袁州遇守城校尉顯軍子狀貌偉素曰不
與世接夜宿神祠伺蓬頭異而師之既久之語益明得時紫山鄒廷佐
慕道魁長春觀礼之未幾命其徒劉志之典觀事乃游武夷龍虎二
山時龍虎主先天觀少傅師正館於蓬萊菴據徵君聖井觀姑許
峯之會蓬頭攀陟崖壑侶鹿豕藉雲霧視以為常間夜坐磐石蛇虎
值於前輒愕而遁去因得夷曠地命氏徒李全正趙真純築天瑞菴
於峯頂時四方聞其道者遠近相疾息輒叩之以所供果服之年

不驗由是礼比日集堂天旱叩龍井召龍出語龍出踰時漸小躍入
袖中乃警以偈龍騰奮入水未頃天雨元統癸酉復隱武夷山居紫
法之止止菴浙東元師李太平聞而礼之謂曰命嚴則君治心清則
慮寡李益敬歎及叛賊李志甫寇漳州國朝以李地同知吳公知寇
道命為先鋒平之其子仲良願師事之隨果不許夷滅眾神服或倦
請得甘泉謀藥死之即預知命徒鑿竅地中果服出之今名吐丹井
云區元正月一日同輩桂心淵世稱桂風子坐解於庐山旋聞一松
四月十日命徒素偈坐逝越十三日而頽若栗肢體温軟猶生其徒
瘞於菴側之古梅下生前至元丙子五月四日高弟劉若衍素郭處
常李西來殷破衲方方壺皆以道法聞世云芒芴子曰古之烈夫義
士必苦行潔身以成其志故其視裂肌膚摧筋力若所固有是以

卓絕特立足以垂示千載若金蓮頭是也然欲立名於世且必是而後可况其超脫幻化哉我求能若此而於道有成焉未有也惜能是共代亦幾人哉

野老

鄭節婦湯氏節孝傳 劉仁本羽庭集六

湯氏名某永嘉郡平陽邑白沙里人海道運料千夫長某女也婉靜有儀及笄而歸同鄉右族鄭瑞瑞之先國人五季時徙居儒立里自瑞祖武德君以上世授五品漕運官湯生三子而瑞早世時年二十有七日夜號泣屢絕乃勉鞠孤厲苦行以禮自防誓死在他暨世孤稍長嘗曰妾未亡人生不能與鄭為理願去死而隕臣妾亦是不天也當力教汝子以似以續度時禮一澤不墜焉何以見夫君於地下矣遂延律師名師訓迪汝子果有成在重慈下大父姑陳年登九襄

湯侍養極甘旨朝望具冠帔從舅姑率妯娌羅拜堂下退又適舅姑所如前儀雖大寒身不廢姑死繼姑黃氏晚年多病奉尊食益弗懈既而大父姑與舅姑相踵以歿喪在堂忽鄰火燎所及湯一切不顧以家業獨與子繞棺悲慟籲天願身與俱焚火止過別舍人謂其若感乃志鬻奩具私帑營窆穴汝子奉喪事一遵古儀祀又平日好施賑急睦親和其三黨食指數百里內外年向辟寡居三十年迄今年五十有六霜露冥如子曠旭曦皆能孝養所造大理丘君之言然因嘉吾郡有淑行也遂傳其事備曰婦夫亡守節禮也俗衰風微行露日微世福之存鮮克由禮若湯氏其能持婦道其貞若我拊棺止燎戒孝所感也與漢蔡順晚美並稱也

金貞婦高傳 蘇伯衡平仲集三

傳

貞婦高名文奴温、瑞女年二十六平陽金幼芳聘以為婦明年
生子暉暉生七月而幼芳以病卒故平陽富家盜起海上其家交
川濱海焚掠高然年遺繼以軍與盡賣其田供給幼芳卒高出簪珥
鬻之始克葬是時方左丞明善周總督逆道日事兵爭幼芳兄弟析
居久久携其妻孥東西走避、不暇何暇扶持高母子高焚、襁負
暉竄匿山谷間紡績以自給艱苦、狀人至不忍見而高毫無髮怨
愁意或勸、曰世有壯子猶不足恃母以此三尺孤又足恃乎遭世多
虞饒於賞且不能全活况一弱婦且貧乏守不及時擇所從他日
噬臍何及高曰我足一踐堂氏門知死在氏而已餘尚復何慮乎與
片隳節幸生孰若死飢死寒死兵也其植志堅不為浮言所撼以此
暉七八歲日夜策勵、以詩書曰不學何以成人不成人有子與年

子何以異暉感母、言不知自策勵底於成立三年二十二歲高
三年四十有七鄉人士老少咸稱、曰貞婦云
徧曰人皆謂貞婦儒家女龍江書院山長高賜賓林氏父也父講說
經史貞婦自幼居父旁聞、故片見義明氏抗持操持艱苦、中喪
亂之際固嘗於戲審如是則名為儒者者何如哉然吾見後急而奪
志才亦多矣若貞婦豈惟世、為人妻其愧、貞婦其謂不愧於
彛徧也已

張正傳 蘇伯衡平仲文集四

張孝子姓名正字思中温、平陽登瀛里人九歲父仲達喪鞠於母
林十三歲母瘡發於額左角瘍醫視、曰此瘡不可言腫若玉鼻雖
秦越人不知為計矣正懼、憂蒼黃走城隍祠匍匐泣禱引刀割股肉

持遠家鬻粥以食母瘡立愈初瘍醫見其母之瘡之愈而不知其愈也正食以股肉駭曰吾見患此瘡者十人十不收張母獨無恙何我已而其事頗聞人比之孝已正事母極孺慕之情事甚鉅細不咨決不行年三十娶婦陳帷帳衾褥施於牀其襟以錦繡正曰吾在襁抱時母推婢而就濕今吾母寢處如此而吾寢處以此於吾母何子即以讓其母陳事姑稍懈正即曰娶所以為養也若不盡力奉吾母何以爾為陳豈相問言正曰我豈孝衰於妻子耶不如此言何自至白其母切責其妻其妻亦感悟更為恭順之行洪武丁巳秋母病下伏枕血糞淋漓正時手掬去之了無難色後六年春母疾病眾醫人人以為切其脈察其證不可為正曰吾聞父母有疾雖石亦為多生視而不營採一理禱於東嶽行祠復割股和藥之未進而母病革矣母歿朝

夕悲號感動聞者及既葬日正墓所未嘗不流涕於戲正所謂孝義人也已或曰吾見其孝矣烏在正為義也曰正持身端謹見人交通權貴漁貨賄以自肥愀然曰一時意欲快如子孫何其家矣僻資鄉鄰故舊喪不能舉其必竭力用之而又率好義其往助之有葉率其家貧母老而病篤會者召命車且行恐母不諱安誰為收悲甚正曰而母誠不佛棺歛吾責也本行州半歲其母死正遂買棺收之本丁夏率歸教歲久死一子猶未辟收之亦正也如此凡十餘人亦不謂之義士乎余友譚君濟翁素慎許之物推許正余固意其必有過人余友邑士林斌徐克為余道其事乃益知正之過人而譚君之所評不偶也矣昔閔損孝而孔子稱之匡章非不孝而孟子辨之豈為二子計哉僻善扶義庶夫人知所勸矣孔孟之時去古未遠也且猶如

此况子百哉。下字若正。其久難能。夫久難能。夫論其於篇。余烏必而廣諸。

黃母劉傳 蘇伯衡平仲文集四

張正二

黃母諱文淑。姓劉氏。溫人。永嘉人。宋宣和辛丑。其先名士英者。為州學教授。能出謀幕兵。却睦寇。方臘。而全其城。靖康丙午。通判太原軍府事。金人犯太原。死。封忠濟侯。詔立廟。鄉郡額曰忠烈。在今明倫坊。學宮。東。祖。為八世祖。父某。早亡。母林。喪明。寡居。劉以弟不慧。身任養母。保抱。扶持。懇。馬。及歸。黃氏。猶時歸浣滌。補綴衣裳。遣餽。候伺。健。於。進。職。與。不。識。稱。其。孝。如。木。一。口。黃氏。亦嘉。故名。族。姻。與。劉氏。相。理。劉。夫。曰。松陽。縣。儒。子。教。誦。應。發。應。發。父。衡。州。明。正。書。院。山。長。南。一。南。一。父。修。職。印。道。道。道。道。父。朝。奉。大。夫。恭。甫。而。距。紹。興。二。年。

進士御史檢法官家實七世云。劉為黃氏擇善事。舅姑。姑張性嚴毅。家人輩鮮。以。其。歡。心。劉。委。曲。奉。承。食。上。立。侍。不。徹。不。退。晨。夕。禮。久。益。恭。姑。愛。之。猶。女。歸。應。養。八。年。年。子。乃。為。聘。婦。生。子。通。通。生。五。日。而。所。生。母。死。劉。鞠。育。使。長。大。通。年。十。二。應。費。卒。時。劉。三。十。有。六。歲。南。一。尚。年。恙。如。毫。末。私。念。通。非。劉。產。而。恐。劉。有。他。志。也。爰。見。於。面。劉。揣。知。其。情。垂。泣。曰。夫。在。日。東。且。猶。望。通。終。身。而。視。之。僅。一。刻。夫。亡。子。有。如。不。一。心。黃氏。養。老。人。而。字。遺。孤。其。有。如。日。自。是。存。慈。篤。南。一。乃。喜。過。望。越。三。年。南。一。亦。卒。劉。居。喪。哀。戚。甚。治。喪。去。遠。禮。營。壙。信。具。以。葬。葬。夫。之。柩。合。窆。焉。日。夜。攻。絲。集。資。通。往。鄉。先。生。陳。公。潛。子。進。士。業。通。亦。自。知。砥。礪。明。蔡。氏。書。一。日。扶。耆。行。且。讀。不。覺。墮。井。中。出。以。狂。易。疾。劉。謂。其。豈。久。生。也。不。亟。娶。黃氏。宗。祀。以。自。吾。世。斬。乃。為。之。聘。屠。氏。一。女。生。

陳節婦傳 蘇伯衡平仲文集四

陳節婦胡正溫州平陽縣人宋國子博士琴斤曾大父也琴與兄國
史院編修官芳俱以神童登嘉定丁巳第節婦年十九父祺孫以妻
同縣陳危道危道於宋黃州通判用中為曾孫歸陳氏三年生一子泰夫
而危道病卒節婦屏脂澤弗御惡筭始服人不能堪而安之危道族
之人風以再行節婦向姑泣曰妾何敢尔也夫亡婦稱未亡人務令
其子名必作陳氏鬼况有子乎妾幸生長衣冠家日聞礼義之訓豈
可與同左室職其伍而辱先乎使妾之足一移不獨妾大穢弗若老
姑幼子必仰之惟其有不失所也耶言已泣不止其族人風之不動
則逼之節婦曰我知之矣欲吾他適而辱吾之田尔田與節孰重輕
即弃田以畀夫之族而日夜力紡績仰以養姑俯以育子銖積其餘

以養其夫子長聘宋刑部尚書周坦之立孫女為之室姑享年八十
乃終以礼喪葬之悃一婦人既完其節又克盡送死之礼而保其
陳氏之胤亦不謂難哉君子過之以指曰是豈有節婦歎息而去
節婦娶居五十一年卒年七十二

史官曰世所貴婉約之家豈以其傳挂裝組哉儀法嚴飾彼及後
昆玉更教也而不移世教有所賴也故也若國博胡公兄弟並起
進士則其教之行於家必有可觀也矣至於孫曾輩婦人女子亦能
以貞節自守食藜藿茶凜之不可屈撓君子之澤入人之深如此哉
余持表而亦之作陳節婦傳婦非惟以彰胡公之賢亦所以愧及世之
生長故家而不令其云

二賢母傳 宋 濂 宋文憲公集四十九

陳節婦

瑞安有大挂曰吳氏世守禮度而嚴於昏媾郴州教授埏生子欽年
近弱齡埏欲為之擇死久且未成或曰同郡胡節有容德且達宦
後可室也乃遣行媒知名節之父悅子六禮既備故節未歸於欽內
外宗暨媪御而下宜之生子璟鞠育至長為娶縣人林廉廉名卿孫
相習者傳翽翽成勤翼之然抑畏節愛之不啻若親女廉不事節若
母懷妊九個月璟以病死未死執廉手涕泣恠以養親存孤為託
廉諾之後三十日廉生一男子且悲且喜曰吳氏之宗以不為若教
氏餒鬼子未幾欽亦卒節與廉蓬首垢面自稱曰未亡人誓持遺孤
以不墜其家後六年元政日虐四方寇盜蠭起市魁都伯各聚農為
兵陽號保障陰則倚藉為姦有利吳氏多資欲奪廉之志廉年二十
有餘亦善自困拒不可撼遂有謀殺于孤身廉懼廉家挾牯而遁擇

鄰境大山匿焉艱難備嘗室以懸棄毫無怨怼意惟飭勵兒以學
年有寒晝晝夜年三十九卒節持棺哭泣竟欲多生蓋有兒事書付
勿忘又二年節卒兒名荃合為巨儒州人識與不識咸稱為吳氏
二賢母云太史公曰吳氏之系何其危哉當環瀕亡時產在母腹男
女未可知林氏毅然以存孤為諾非見義明如暎日然乎使林氏
之足一移吳氏宗祀墜矣此其功非再造乎家世守譬猶狂瀾東奔
欲岸隻手以障之抑難矣予謂林氏具五美焉一不畏強禦一也當
不能負二也炳於幾先而不陷於虎口三也干戈紛爭之中驚環劍
而書屬子以學四也終始一致不為俗議所惑卒令終於牖下五也
夫然故其能以節操顯其共宜哉雖然不為之先孰為之後非胡氏
挈綱振維於上則林氏楚之然矣依是則胡氏其不為尤賢乎賢

我二母如雙一雙雙之影映見比動容如越一雙斂之芒閃錄不
可押玩祇之謂年愧於彝倫其氣嗚呼婦女且亦則凡受人豕國之
寄妻并若上梗甘果何心哉

按姓父名泰來景宣壬戌第見郡志進士挺為叔父朝宗後元柳州教
授娶張孝道孫女亦見文憲吳州三節碑墓版文朝宗官連江府亦
見郡志交州教授倫與弟沈皆登進士第亦見郡志及三節碑
墓版文吳氏真巨族也又吳氏居西鄉馬嶼見項齊且敵集

南京禮部左侍郎章恭毅公傳何喬新何文肅公集二十

公諱編字大任温州樂成人先有仔鈞共任閩官至太傅因家閩
之浦城太傅之孫貴避亂徙樂成之南閩傳教世至南宗其本吳氏
子後章氏公之高祖也父文寶以篤行稱於鄉公初名崙八歲入社

子孩時刻苦自勵遇夜則燃枯竹以繼晷稍長從兵部主事黃若章
仲寅先生字羊子業時余先公為温州太守惠樂成東教鄉瀕海俗
獷戾思所以變其習乃選良家俊秀補郡庠弟子員公在選中先公
向其業甚習為最三名因留府解躬教之府掾南昱亦穎敏好字先
公先于治傳書俾與公同學暇輒召至後堂視為講析義理教之
作文繇是學大進正統四年登進士第六年秋除南京禮部主客司
主事由是任先公戒之曰南都政務甚簡子勿以事簡自逸勿以名
成自畫當勤屬子向求底大成管仲其如鴆毒之言不可不深思也
公謝曰敢不奉教至官月俸仰事俯育外盡以市者積之為萬卷備
僕討偏政之學少忘自六經研史以五九流之說莫不探其要旨南
畿士子從學其甚眾經其指授其往之擢科躋仕景泰元年陞禮部

儀制司郎中先公方典銜進用人材多訪於公公以薦皆知名士
時景皇帝在位公上章陳政事得失凡累曰陛下應運中興上承祖
宗列聖之統下為四海臣民之主三夷狄未服寇盜未戢災異未泯
正內修外攘以隆治化一日臣謹陳為治急務十有四事干冒天威
觸忤大臣罪禍及身家臣不敢避也臣目一曰躬攬乾綱在聖德英
明二曰緝熙聖子在儒臣直說三曰面議大政委任孤卿四曰為政
得人在愛惜名爵五曰肅正朝綱在激勸憲諫六曰廣開言路在聽
用忠良七曰在敬畏天戒在下詔言言八曰精慎選舉在舉立得人
九曰嚴名考覈在黜陟公當十曰守備邊疆在選將練兵十一曰征
討不服在專任帥十二曰禁止罪犯在恪守律例十三曰官吏養
廉在沙汰冗職十四曰作興人材在教養有道反復萬餘言景帝嘉

納今有司議行又請增解額以廣賢路更鈔法以順民情汰僧道以
去蠶食禁越訴以懲姦民勸屯種以養兵節稅歛以利農多見采用
心先遣使入貢且求報使廷議謂也先乃脫不花之臣不足辱使
其公言往也先犯蹕罪不容誅然彼能感悔奉太上皇還京貢獻
不絕宜遣使往諭賜以重繒答其善意四年夏車駕欲幸隆福寺公
上疏曰佛甘西竺之法非聖人之道以萬乘之尊臨非聖之地史官
才以傳之萬世恐累聖德疏上即日罷行冬十一月也先使來上
表自稱曰汗朝廷欲賜敕而疑所以稱之其命群臣議之公言少汗
乃極尊之號之以祿之先則置脫不花於何地或止祿太師或恐
其慙忽犯我邊陲宜因戶部舊號稱為瓦剌王庶為何體五年夏
五月公以供位久虛災異數見因陳備德珥災十四事一曰戒天變

二曰任燮理三曰養聖躬四曰節奉御五曰務儉約六曰勤編政七
曰敦孝義八曰慎賞賚九曰重名爵十曰草巡按十一曰擇重臣十
二曰辨異端十三曰却獻貢十四曰汰冗官大畧以為太上皇君臨
天下十有四年是天下之父也陛下去受冊封是上皇之臣也上皇
以天下授陛下陛下當以天下尊上皇伏望時率群臣朝見南宮以
敦同享之懷以隆宗奉之道復汪后於中宮以正壺儀復沂王於儲
位以端大本則天意可回和氣可致災沴可消天下不足平矣景帝
覽疏大恧下公錦衣衛獄初監察御史鍾同亦嘗有言並逮同治之
日加榜掠血流被體越五日天大風雨黃沙蔽空景帝稍悟密教錦
衣衛後入獄六年秋南京大理寺少卿廖莊丁憂至京莊亦常疏請
復供及廷見有旨筮八十滴邊郡驛丞因憶公與同偕去有言遂命

錦衣衛名杖之百公死而復甦同竟死杖下天順元年春太上皇復
位是為英宗皇帝首命釋公及出獄都人士聚觀其塞途或歎息泣
下求公疏不獲內臣有記其概者上誦之上嗟歎再三明日陞公
禮部右侍郎尋命公往鄭王府冊妃王贈遺幣馬甚厚公力辭不受
乃還遇襄王入朝公謁見王曰是請復供章即中耶對曰然王喜命
公誦其疏敦孝義一節歎曰我朝作養士大夫垂百年乃得好人如
卿也山東奏水災乞減科徵戶部沮不行公請減田租上許之
親藩有被大災乞賑濟者同列言奏例公曰朝廷以親之為重豈須
有例耶具奏上特賜白金五百兩忠國公石亨招公卿燕飲公謝不
往亨不悅與所伯楊善掌禮部事與公議政多不合善不忘之相與
短公于上會南京禮部缺侍郎上以命公及陞辭召至文華殿賜白

金二十兩文倚二表裏備遺且曰事有當奏其具以相公頓首謝
四年冬改南京禮部芝產於公署之庭樹人以為公私事所感八年
去英宗皇帝升遐遺詔嗣君繼承為重婚禮母曰過百日以上疏言
先王制祀三年一喪達乎天子陛下臨御之初當以孝治天下以道
率臣民之山陵尚新元朝未改諒陰之中遽講婚禮臣竊以為不可
伏望降敕待春行禮下禮部皆謂公狂妄請治其罪憲宗皇帝
敕勿向成化元年表兩淮飢公奏救荒四事一曰救民急二曰息民
力三曰恤流民四曰備儲積事下戶部皆舉行之四年上敕公與南
京都察院會都御史高明考察官吏公言御史某之風節即中某無
廉奉主事某浮樣皆當黜高公執不可公獨以為當黜其德推上南
京六科十三道忽之受章証公罪朝廷遣禮部侍郎葉盛刑科給事

中毛弘揭駭具得証公伏賢益明五年秋公以星變上書自劾乞致
仕優詔不允秩滿遷南京禮部左侍郎十年春考績至京又乞致仕
仍不允是歲丁繼母憂歸持服十二年夏公自陳衰老懇求致仕上
乃許之公既謝事尚伴泉石備於境墻表自號廣莫野人十八年
閏八月所居北山石岩忽自崩落如震霆公登樓視之曰異我必有
咎之也十九年三月甲寅公以疾卒於家家人謂岩崩蓋生此事聞上
命浙江參議張敷華備祭工部進士王備為營葬事二十三年七月
詔贈公南京禮部尚書謚恭毅公所著有拙稿困志集進思錄藏於
家為文以理為主不務階章好為平波溫雅不為雕刻之詞皆傳
子三立應舉進士為南京禮部給事中立會以恩例為鴻臚寺叙班
初公所與同子南是也後公三年登進士官南京大理寺副

讚曰章公博學，和易與人，諸開口見肺肝，對客每嘯詠，為樂人不知
其剛也。至臨大事，決大議，他人踴從若猿，下駒公奮然爭之，不以
禍福為顧慮。孔子所謂仁者必有勇，若公非耶？昔陳宜中指斥權姦，
直奪調天下，至其晚節，乃阿姦相，求進，蓋更變而手餒矣。宜中與公
皆溫人，然公在獄三年，日與死伍，及以出，謹言勁氣不少，掩視宜中
為何如嗟乎！世常謂古人不相及，豈非然哉？豈非然哉？

張文忠公傳 王世貞弇州山人稿八十二

南京五

公浙之永嘉人，貌魁傑，有大志，二十四而舉於鄉，教上禮部，不利歸，
而聚徒教授姚溪山中，扁其牖，書所曰羅澤寺院，人或謂公去泚生
何幾，而寺院為公，嘆曰：泚生不當去，院即我，胡以不當故自若，而所
所持編慷慨中窾，即遊於臨，日守相間，毋能難之，遂為泚生，答酒

蓋又二十二年，而中禮部試，時天子方南巡，將以明年世宗皇帝即
位，始臨軒策進士，公以第二甲隸事大理，時上以具世子入繼大統，
下廷臣議，所以尊崇獻皇帝后，其久不決，公乃上書大畧言：上既
以具世子入繼武宗皇帝，統非繼武宗嗣也，自以後武宗則弟，以後
孝宗孝宗自有子，奈何舍獻帝弗考，而考孝宗，使獻帝有子而年子
上，有父而多父哉！時上心是之，而坦於輔臣，禮官儀報，聞公亦去為
南京刑部主事，以下議，尊者宗曰：皇考獻帝曰：本生父而公復上
考，爭之曰：是二事也。孝宗法得稱皇伯考，不得稱考，獻帝以稱考不
得稱考，生因上所草或問二篇於是，桂文襄公夢疏亦上具如此指
而中外士大夫側目而視公，且齟齬之，然天子益已心動，而方公獻
文襄公藉筆，並推緣公從而進，天子用以連柱，輔臣禮官口凡三

下詔召之召公與桂公赴北翰林院學士公雖以驟顯重然猶不
容公卿相而益侃侃自黃舒亡所避天子愈器之明年進詹事府詹
事有從筵講官又明年遷兵部右侍郎俄轉左學士侍從筵以故
公數與高才持偏邊事即批政筵邊事欲屈其尚書公復為尚書持
之至抗疏辨上輒伸其指使使遂欲宗獻卒入太廟公力抵其不
力乃已御史錄按山西有所違張寅以為即故妖人李福達也而侯
勛為居相御史即劾侯勛詔下三法司獄成上獨疑三法司黨御
史而傾侯勛以屬公與桂公方公反其獄公遂領都察院賜二品服
金帶遂以禮部尚書兼文淵閣大學士輔政仍領都察院賜教諭白
兼中外御史所以褒獎殊至賜玉帶公念以書生片言當人主意非
久取相位恩有所報劾大要以破人臣之私而離其黨一意奉公

守法即怨備弗即也尋賜銀記二一曰忠良貞一一曰純德什繆得
密疏言事明年加太子太保公以上未有太子宮不畜設乃改授少
保上享太廟回公候道左教目屬賦詩以賜曰予喜荷天眷賚賔
作邦珍賜也常及蟒服上既以尊崇獻皇帝后錄前後諸臣議而取
衷於公書成名曰曰明倫大典進公少傅太子太傅吏部尚書謹身
殿大學士予四代誥官一子是時楊文襄公一清居首揆以才受上
知然不能如公深而上所密問公月以十數时时稱公別號及字時
桂公名入輔名冠俱當公亞所言事不能年相左以故稍不平為惡
語交關上前揚公得因是以問公詔暫歸侯用而桂公削保傅以免
公歸至天津而上念之詔行人呂復相公入而揚公為霍公所逼遂
去上怒揚公甚欲置詔獄達公力寬解以免上嘗諭公留都天下首

地而事皆中貴人專之何恃也擇宗室一人留守使公言高帝以親
王領宗正不久而罷之宗室不預政久矣臣不敢奉詔自是乃教之
言中貴人暴橫狀上為憲裁革鎮守監鎗市舶之類後先殆盡公所
疏審幾微專委任惜人才求民隱世條上嘉納之是時上日侍經筵
講求聖學作故一箴及宋儒五箴往往皆貴之公天下欣之望太平而
公又自言礼起上以明聖述作為任事取公裁定若分祭天地南北
郊尋壇於東西為朝日夕月止先師號易像而主帝后行耕鑿礼皆
公大其公初名璉字秉用至是以上嫌名改上為易名字敬字茂恭
手書賜之居第成以獻皇帝帝喜命金春堂及金幣羊酒賀而所請者姚
溪山中其書院中有曰為新賜名曰貞義其堂額曰抱忠時夏文
愍公亦以言礼貴驟貴上意於公不敢盡合而會雷震午竹西序有

言公橫者乃乞休比行上賜公服牙笏以憾意歸其何召後位進兼
太子太師再乞休再召進少師時昭聖皇太后於上有推立恩而上
所生章聖皇太后日重昭聖猶以故事裁之不下上不擇而昭聖
之弟昌國公鶴齡建昌侯延齡皆早侍橫燕中所為多不法既微知
上指延齡甚而燕中少年亡賴蜂起爭持質其金帛毋算後稍之不
能酬乃上變言生沮覺怨逆殺人事下獄按皆诬罔獨延齡殺
人頗有狀昭聖坦乃因上後宮有它廢以延齡請上益怒遂生延齡
反族氏家公因以為延齡殺人抵償當而生之反族不之去延齡財
虜身何以能反凡數往向其對如初乃徧延齡殺人罪屬秋盡當徧
公復與之僚方公上疏謂昭聖太后春秋高卒恟延齡死能不外傷
痛乎萬一不食有它故何以慰敬皇帝在上之靈上意謂公自古強

臣今君非一若，公愛死，因令我無當，自悔不從，廷和耶廷和，其初持
考敬皇帝相也。上故為重，欲以愒止。公公持不已，乃下詔，意緩，世
當論其而終之，與太后世，廷辭以長繫。言公為相，務以明天子尊信，
國威重，捕巨體，而兵初，既州盜陳卿，據嘉羊山，殺官吏中外，明務始
息，為按，亦計而公獨破之。卒捕誅，卿大同叛，殺之，公益自信，薦劾
源清，邵亦為大帥，以必以賊為主，而所薦，頗不任，帥賊扶虜，以重，僅
購其黨，自相殘，中一二，重保，以夏公以持之，說進而公稍屈，公自有
子中，考舍人，遊志，噴而大，天，成疾，乞歸，上謂公何，忍舍朕耶，曰，年
以言，故邑，邑幸寬，謂夏公也，公抗辨，不置，然自是乞歸，益力，而上
益厚之，至手調，葉以賜，曰古有，剪鬚和藥，其手調，名庶，幾至，其專
精神，如飡，自爰，以輔朕，為忠，大，公感，泣，益甚，以死誓，歸，上知公

不可奪，乃許，致仕，歲，給八，驛，日奉米，以石，所以優，崇，禮，加，於，它，相，公
歸，明年，使，錦，衣，使，統，帥，視，公，疾，且，促，遂，朝，公，強，起，至，處，州，疾，作，歸，
再起，至，華，疾，復，作，歸，又，三，年，而，卒，春秋，六，十，有，五，上，時，幸，承，天，
間，諫，為，哀，慟，下，書，褒，揚，甚，亟，贈，太，師，謚，文，忠，有，子，四，人，長，即，遜，志，遜，
臣，太子，生，前，公，致，仲，遜，業，尚，室，承，季，遜，膚，中，考，舍，人，俱，有，文，子，世，年，
矣，而，皆，早，逝，不，及，大，用，時，人，惜，公，在，公，車，最，久，而，其，成，進，士，僅，六，
載，而，相，天，子，所以，孔，信，其，自，明，與，多，內，多，凡，所，創，草，典，制，雖，
上，自，信，以，天，啓，而，以，公，其，深，矣，公，皆，洽，典，籍，所，撰，對，班，小，據，其，
所以，合，非，偶，也，天下，且，於，議，禮，而，非，公，其，十，九，忘，公，貴，而，刺，
其，十，九，久而，稱，公，是，非，公，其，半，歿，而，思，其，更，十，九，矣，昔，公，歿，
未，幾，居，第，侵，風，雨，功，不，能，飭，而，孫，多，假，貸，于，人，以，食，嗚，呼，此，不，可，以

親公故因生，終汝紀，清而為，傳公別號，羅壽所為名，書院也。
之最後上呼，羅山因更稱羅山，贊曰：公相而中，消之勢，繼至于身。
垂五十年，士大夫信，信者志于朝，而黔首以安，寢于里，其誰力也？夫
礼求而求之心而已，多後主所是，為之未，有悼也。考而不已，則宗之。
則入太廟，入太廟則有祀，公在難，字免去，王子曰：凡言礼而貴者，
其人材皆為，即不言礼，亦有以自見也哉。

王樵雲公傳 王世貞 會州山人稿 八十四

文忠五

樵雲公者，王氏諱毓，字尹成，溫人。永嘉人，雲英，其父球，去而不忍去。
也。廬于傍，扁曰樵雲。而公又愛詩，多與其社中，唱和社中人，不遂呼
之曰樵雲公。云而自樵雲公之先世，居永嘉，華蓋，卿英，橋里，俱有
隱德，以壽考終，而俱單傳。至公，乃遂有七子，公少侍其父，珍護甚恒。

韋講而治，養膳既成，則衣冠而薦之。偶晚竟餐，覆器不，退不者，屏營
不自容，亦竟避之。著矣，相小矣，又意長，既謝過，非強之，起不起也。而
樵雲公善耕，以其美規為子，母之息，宛特佐，歲恒不之，七子，其環，矚
瑤琪，璣，璵，瑒，公先後為起，甲第相，理公又好施，予以賑，赴人，之急，比
鄰，大數十百家，皆燼，公指廩，而予之，俾極力自取，給其宅，孤寡，毋偏
疏，咸以指，計衣食，視公若庫，度也。公一言而取，成比，奉以為符，節，毋
爽矣。七子，子二十八，曰地，坦，墅，壯，在，墟，塢，境，封，佳，墀，坡，塔，厓，基，壇
域，均，壑，堪，陸，墳，墻，填，壘，垣，塾，垠，二十八子，子九十四，而始，有以詩，書
之業，起，其，猶，用，子孫，顯，曰，封，右，通，政，鉅，南，雄，教，授，贈，大，理，少，卿，鍊
祀，導，錫，其，人，也，九十四子，子二百六子，而益，顯，曰，太，僕，寺，丞，清，左
奉，儀，激，國，子，恭，泗，激，鴻，胥，序，班，沛，贈，太，僕，丞，沛，教，授，洵，贈，大，名，推，官

歸展墓島寇江蘇州換弟會事公死後公喟然曰吾宗家海濱先人
有仁貴願法堡以完宗人施及鄉井後于朝遷中界山巡檢司防軍
報中仲公綴借計為植堡成寇還晚年入之何也又三年以職方員
外郎為會試同考官進士十九人多為名公卿已遷郎中視師薊鎮
疏陳材官功罪裁昌平提督皆如議大司馬楊襄毅屬修京營志已
進武選郎中修武選條例著為令凡選數功次所由不失奉案左右
莫窺其隙指以室玉亦五百金行賂其外一棄殺倚重者兩府督勳
臣若批查者若洪方鎮總帥惟公所熟錄人不敢干以私滿兩考亦
為胡廣泰議分都承天德安兩府承天南皇潛郎中貴人留守出文
吏上德安景恭王封國王即人虎而冠公以嚴見俾有郢梁岐涉王
園陵費數千金歲飢捐俸及贖錢食流民全活甚算初監司以上福

辭頭陵年虛日郵傳煩費公後中都兩京祖陵例為限制官不廢業
民不病供卒用其言踰年遷廣東按察副使乞休不復智且既宜改
子憲而公遂歸矣杜門不交外事編治其家祠先隴族有爭聽于宗
不煩有司設義塾祀群子弟置田以給孤嫠若貧不能葬者音速相
鄰修子宮築隄捍海為石門時蓄池置義冢歲所掩骼萬計有司嚴
重公或就向民疾苦若修海塘後里役減漁稅必督行之初治隄斥
橫塘故居於外尋徙郡墨地已作室堡中居曰先世祠墓存弗忍違
也早歲僕寺半山稍創亭臺游詠其間蔬食布衣終身年膝侍不習
握算不向家人產而惟嗜書至老諷誦如誦生與子弟相徧難有會
心其筆記之輯紫陽晚年與象山論合其為錄於其非禪又言王文
成指心之良和的學欲其性慢不昧以通乎晝夜而知紫陽象山

推尊性善求放心後性善故知良不放心故懼不昧以致一也
泰和胡直大名申磁麻城耿定向歸善李鵬年成題此言以字先識
本體而主勿自欺以悖偏躬行為窒隘毋潘崇人卒京師與歸哭踊
足為朋喪父不如之每時祭及上冢悲號如始喪感動氣皆為之流
涕車仲公友愛物至公不違顏色而仲公時感德行庭室夜飲公一
觸一詠兩人意各自由也貌不勝衣而神王讀書暇焚香默坐年七
十有三感脾疾越旬日語訖子曰人生夢也予幾醒矣問以安否不
答惟曰願天生賢世呼泰人具粥粥已就枕軒若熟寐迫視之瞑矣
諷曰余為世生時及見公公癯而短視即之息若在踵扣之如洪鐘
嘗行縣禽雀賤胥吏為姦利若市魁盜藪武斷鄉曲其一邑肅然其
時海內方崇尚博字純盜虛帶耳惟公見世行事深切英明登第垂

四十年立朝財八歲所至見思鄉人尸祝俎豆之禮未嘗在曰拙於
用安所以施之家厚於理人莫若求世乞又曰為天下惜財不必藏
于己為天下任事莫寧迂其身信哉公于光德尹寧都一介不取
世人有乾致藏金株累吏民歲且久出橐中裝結竟空事不忤為公
子矣

姚洙楷傳 咸豐標鶴泉文鈔下

姚洙楷慶元人定世居永嘉父比部郎梁號佃芝母王淑人錢塘儒
家女以乾隆癸巳八月生君於京師宣南坊之私署有異徵祖母陳
太淑人喜得孫而冀其易育也男而以女呼之小字同人六七歲時
方伯陸青素先生異其才改字曰魯培并贈句以為楷魯聖國林所
植非凡材也魯頌落天成自其未就傳時父母抱膝上曰授徒者故

事所記已不^可萬餘言稍長從師字補考日以寸計即師所未嘗講
授多能自以意解字詩又未經年出語驚一座人如趙普王旦張浚
論及追王上祀解議備德拔過人皆以十歲在父山左學政署作中
也十二歲讀書江右雙桂橋副使篤湖沈公耳其名故面試君袖授
徑面過訪索題君據面所作侍女捧經狀并沈自跋室虹小記立成
斷句以獻沈大歎賞謂行草下飄：有心意詩具載遺稿中始君受
書法於父父連草已得師古人意比齒壯腕力益勁遍覽晉唐向
碑刻及名賢墨蹟自臨做兼斯夕學：於古自丙午十四歲隨父入
西粵討徧古來解經以失同異而折衷：每書自多敘編不數年成
通儒又以暇輯平日所歷山川名勝及古賢名蹟登臨憑眺：作為
松寮雜稿蓋君雖年以而所以已自以自信頗以隨官第里五十八

歲始歸里一就試試輒冠令曹督學實公以大器待：次年君十九
歲比部君為梓桐范氏令入京完娶并就此闈試乃行次錢塘而卒
計君六歲始受書七八歲習詩古文距就木時為歲之幾又隨父自
燕：齊：吳：楚：蜀粵奔走往返向學：日之淺而所就卓：此
是雖少年能自力乎父母能孤迪強：於天其多頑不啻天生之又
從而厄：也君既歿父母痛：甚凡君自撰著暨所辨編古人星字
地理名號封爵律呂：考檢置一篋不忍啟視間出示人輒不勝嗚
咽比部君又每向人述君自少有玉性不習嬉戲禮度若夙習十歲
自粵隨母奔祖母喪哀號累日不^食夜有吊其棺者持若成人余先
先妣王淑人早卒妾所出也母稱嗣俗以中元日令兒焚香楮帛疑
所稱時甥某在傍曰兒寄母宜孝先妣兒曰余母氏在堂是名別者

前此宜從弟梁川州、驚歎曰是兒他日議礼、宗也辛亥北上次
艾道其母墜與臂幾折兒延醫日夜敷治逾月內子幸多恙而兒心
力已極至富陽而病猶強起慈母為弟氏南屏明府作駢體訪叙繼
三體蒸、汗出遂不支又言兒卒前夕語其母曰江西西院清府駐
守芙蓉廳遣吏繞舟迎兒不似從事母亦續又以詩見夢於母字畫
皆古篆彷彿記十字類非常人語嗚呼君才而孝其異又以此意
獨其父母痛悼天下皆惜、余身與君父交因謹次君事蹟而為一
傳

義犬傳 劉壘水雲村稿四

永嘉江心寺長老祖傑、憫人之累、任僧錄、扶貧、豪恣、會僧、選罷、警、求
鉅利、以、主、席、江、心、有、知、識、陳、某、也、家、城、中、昔、有、資、產、州、縣、利、以、富、而

吐沫楷

儒教因戶役困苦、積不堪、與、高、潔、捐、田、入、寺、依、傑、勢、苟、活、法、於、傑
傑欣諾、遂、弃、里、居、徙、家、近、寺、而、身、任、庫、院、職、傑、頻、造、片、房、窺、生、事
始、猶、惻、然、不、幸、久、別、與、至、方、丈、或、累、日、彌、旬、乃、反、高、每、怒、罵、去、曰、初
為、通、官、府、保、庇、身、今、反、失、身、如、此、汝、為、人、去、甘、忍、辱、耶、夫、因、恨、乃
密、謀、遠、徙、適、獲、房、宇、於、別、島、嶼、潮、海、大、泉、菴、也、地、有、巡、檢、司、又有
一、佛、烟、竟、信、家、官、通、近、因、而、居、傑、惻、然、送、大、德、訪、知、所、在、厚、募、惡、少
年、十、有、四、人、飲、以、禮、豐、饌、餌、以、重、資、使、往、屠、之、曰、截、取、婦、人、雙、乳、未
少年、以為、隆、惡、命、夜、身、獲、送、盡、殺、尸、家、七、口、懷、片、雙、乳、而、送、紛、擾、中
俄、衝、曉、惡、少年、悅、寤、疾、趨、舟、鼓、棹、去、他、一、人、追、逐、弗、及、身、皇、失、措、潛
登、佛、烟、隱、壁、伺、巡、檢、伺、交、兩、領、卒、掩、捕、茫、矣、蹤、跡、留、連、佛、烟、前、里、社
役、首、進、飯、見、佛、煙、家、一、犬、跳、嗥、左、右、不、已、叱、去、後、未、嗥、愈、厲、巡、檢、舉

養則又嗥跳起躍至衝散其蓋盤伍食眾怒擊犬復不去巡檢起犬
又隨而衝其衣襟引至佛側仰而嗥若欲言其巡檢乃驚呼曰是豈
有異乎領卒登城周視則壁南微有衣露迫見一人懷怒立即擒
下搜出双乳鞠伺備言傑長老主謀因悉捕其黨送縣引向具伏上
於府初府有同知與傑亦暇日嘗絕江訪傑辭以本同知遠在學
途遇絕管亦往訪同知請為德德管曰我往彼必納也邀同知偕往
因復絕江同入寺傑果迎待置酒而送同知由山街傑及事露同知
即議移檄募戶府遣兵圍寺傑出迎曰吾既能作事豈不能當事官
姑少寬我容入房收衣鉢行乞許傑囊橐充斥即哀室室鈔貨凡
四擊授以徒令疾赴都求內撥又取所蓄玉器滿案置堂上語人曰
此固吾所蓄其事已至此復何用舉杖一擲墮地盡碎既就逮至有

司引伏械送絕管猶欲全之故緩其事待至報未幾果聞懿旨召傑
同知令獄卒曰僧姦良人掃又謀殺七人可怒乎汝速處置以責貴
汝卒入獄命傑研飽起立懸枷植於樑囊汝置腦後扼其鼻遂死人
皆快之既死而旨至及及同知以是名省盡交祿子延祐甲寅
表余往延平延平總管韓君玉國室之子邦亮從余者一日有所厚
泉州教授林南谷來訪韓南谷亦嘉平陽人而德管前任浙東與林
舊是以系也余從坐相屬問二公彼傑長老不已碩不知其端以詳
叩二公具述如上且謂當日非此大則失此賊七人銜冤于訴無故
傳其事以愧世人不知大者
贊曰傳為義犬作也茲因是而思斯人避官府虐害而得避之非其
所而蹈禍乃其一豈絕嗣死月下廿七蔓延奸僧惡少死於官廿十

有五推完禍原皆當時官吏驅之入死地也人孰不欲身崇土而生
非困於虐政必不逃不逃則奸僧之得必不啓得不得則群衆必少
不死哀哉天道乎知則已誠有知也則彼官吏其伏冥誅禍由爾決
矣

祝

永嘉集外編卷二十六目錄

贊

雪菴瑾老贊 梅 鑰

陳文昭監丞像贊 戴 良

殿撰王公畫像贊 蘇 伯衡

祭文

祭王詹事文 張 栻

祭薛常州 梅 鑰

祭薛士龍 黃 度

祭薛常州 孫 觀正

祭薛常州先生 趙汝諧

柳孝悌銘 曾 堅

項彦章像贊 戴 良

章卓毅公贊 林俊見

常州先生祭文 莫 濟

祭常州先生 周 砥

祭常州先生 潘景憲

祭常州先生 陳 牧

又 石 丰文

又

祭薛寺正孝宣

沈煥
梅鑰

祭何誠甫司業文

周必大

祭鄭龍圖伯熊

梅鑰

祭周通判去非

梅鑰

祭王詹事十朋

梅鑰

又代莫守

梅鑰

祭薛寺正

梅鑰

祭薛士隆知府文

陳亮

祭鄭景望龍圖文

陳亮

祭鄭景元提幹文

陳亮

祭徐子宜父文

陳亮

祭王木叔父文

陳亮

祭彭子復父文

陳亮

祭葉正則母夫人文

陳亮

祭王道甫道母太宜人

陳亮

祭鄭景元母夫人文

陳亮

祭蔡行之母太宜人

陳亮

祭高恭人翁氏文

陳亮

祭宋氏恭人文

陳亮

祭黃恭人文

陳亮

祭曹侍郎文

劉宰

哭何子葉侍郎適文

魏了翁

祭鎮江薛節幹

黃震

祭道州徐守宗斗

文天祥

林彥栗哀辭

袁桷

祭陳子上先生文

陳高

吳氏二買母哀辭

方孝孺

祭王左史

李俊楨

祭王參知

李維楨

祭林恭人

李維楨

祭陳恭人

李維楨

祝文

温州福先聖廟祝文

梅鑰

諸廟

梅鑰

祭補神祝文

梅鑰

拜先聖廟祝文

梅鑰

諸廟

梅鑰

海神廟祈雨祝文

梅鑰

迎神像行道祈雨

梅鑰

謝雨

梅鑰

祈晴二首

樓 鐫

謝晴

樓 鐫

祈雨雪

樓 鐫

謝雪

樓 鐫

發海舟

樓 鐫

禳謝颶風 三首

樓 鐫

平水王禱旱祝文

樓 鐫

郭先生廟祈雨祝文

樓 鐫

祝

[Faint bleed-through text from the reverse side of the page]

雪菴瑾老贊

梅銓收媿集八十一

俊辯不窮靈基比菴空道人雪消成水若道成水流特未已一點
洪炉永超生九

按雪菴與蕭士龍友善見良法集

柳孝婦銘 四溪林氏譜九

綠竹猗猗：綠柳陰陰：中有孝婦懿行淵深事舅疾痊孝感神欽教子
義方丹桂森：行不愧影卧不愧衾於穆泐德名教：林昔正正
寅余因宣化奉詔南園五月朏玉昆陽寓青華石屏山房林偉忠攜
其譜示余曾太史族譜後序因見孝婦柳氏：寔遂為：銘經畧使
以下缺 銘并考

陳文昭監丞豫贊戴良九靈山房集十八

侯以文儒施政海隅人孰似之曰呂曰杜為母為父侯宜以之蓋於
治民去其敗群餘君子彼或之祀我戈是荷四國倚之一杆強藩
子裁海山時竟使朝嘉乃續好爵屬錫卒莫起之面像如生宛厥
所行誰不避之後有董筆詢名考宜尚方紀之

項彦章像贊戴良九靈山房集十八

倬彼項君侃之恂之望聰而懿望藝而文方躡履霜臺羽忠翼仁復
飲水上池以神異洵屬濁為清化秋作春是扶是拯欲人如身既存
心於利物仍抗志而出塵之應世也慕祥鸞之隱見其置身也任尺
蠖之屈伸倬彼項君為世令人

唐書石所頌山字子天許抱一為九靈集十九有抱一為石

殿撰王公畫像贊並序 蘇伯衡平仲文集二

元

公姓王氏先浮光人自浮光徙桐自桐徙溫至公九世矣公宋皇
祐間良儒志先生六世孫也諱並大字居安累舉進士不合於有司
用廢中獻平戎十二策擢國史編校歷三省樞密院主事中考門下
省錄事判太醫院主管崇道觀丞相陳宜中薦授文石殿修撰德祐
末國批節不仕以壽終於家子與仕元以累擢身尹致仕推恩贈
公承直郎同知瑞州事江州提岸陳先生旅寔銘公墓額則太常
博士柳先生貫篆子伯衡獲從樂法君之孫淵瞻好遺像而誦銘文
謹據其概而述贊曰

有卓立嶷有壯志欲吞字戎狄策爰獻於冕旒矣通不宜美試
不効章亦薦於廣堂位履踐子華要果具既移拂袖東歸而東以
樂飲慕西山之採薇生亦慄然遠像斯在雖去今已邈德可想身

風采

按陳仲子雅堂集卷之三居安卷諸盡休矣

章恭毅公贊林俊見素集二十四

南京礼部在侍郎崇禎章恭毅公忠在朝廷名在天地紀述
在史官典刑重在後進俊守公子信事順德交獲覽事狀貌

慕公益你謹作贊曰

為而難時又難美觀而好楚而毒鍛而又毒美仰而考胡以見剛公
之斯償胡以見直公也時式疇曰匪天公死裁完疇曰史亡公世裁
先天錫公社公毅而遠天錫公社公今有孫子

祭王詹事文張拭。五百家大全文粹九十六

惟公天與劬時世推忠純正色立躬奸邪所憚此於當今大義胸中

見之甚明非苟也假竊世比也蓋自費策大廷王於波濤凡十五年
原如一日去年一委復事造躬身雖已病愛君弥篤惟昔先人雅器
重公貌成孤生晚慕公知去違於政曾未幾日遽聞事赴越在道途
迄今定止始克遣一觴一奠蓋為前世痛公之亡而此獨下交一私
情也尚享

按原題作此欽夫詹事即梅溪先生也

常州先生祭文莫濟 浪語集三十五

學博而知的行高而不孤政嚴而年苛論正而不迂求一海內未見
比比意其天生財人其必何回狂瀾於千載之絕學建功名於萬里
之夢進德小試而奪一蒼生其又何所忌乎公之守吳余在故房我
幸刻符公歸里居固嘗服高風於踐履之舊能宏編於譽效之餘方

南宋

昨日親直僚交問之益畫讀篋中未見之書曾不見於幾日驚死生
之頓殊家哀情之短章洒哀淚於生曷嗚呼者老矣不知何生尚復
見人物如公此乎

祭許常州檄 浪語集三十五

登門最晚受知獨深人亡之百身何贖鮮組束去莫與執紼莫爽
此中諒款菲爾知己之報嗟及及矣尚行所知毋羞九京淚長辭窮
嗚呼痛哉

祭常州先生 周必 浪語集三十五

天之不佑斯文耶如公之道子而施不昌天之未歿平治耶如公之
宏才而用不彰儀備之醇操履之剛根六德而貫百氏潤微言而蹈
大方破千載利慾之謬妄埽世儒章句之披猖蓋書年不通事年不

練一話一言皆絕人意表橫駕別驅窮極幽眇而究其旨歸貫之以
一初年打去之尋常施之政事見之文章真所謂不見其短又烏知
其所長也斯人也不及中壽禍善禍淫之道奈何蒼之嗚呼公
之葬名海內所尊成形於外於不苟徇乎衰俗之見蘊於中於
人之莫究其所存故不知其所以徒剛而已尔而不知其不惟稱其直
諫而多抑知公之深不迥幾人言之則大而似夸矣尚何言哉相向
而哭失聲其蓋登公之門也卮酒之奠相與悼善類之不幸一
哀而出涕又何止為許使君而已耶

祭常州先生 王遇 浪語集三十五

人孰不有死而不知慟之為誰兮聚散固恒常奈何名世之不易得
兮昔遇潤風既久幸及今而登門兮吁嗟其公世方倚以為津梁兮

昭乎志古多人心則在乎天下兮法明曠達樂於用善而大也遠也
不與莽兮百未施一乃如形而已兮則行則藏固不在先生兮學未
及傳而所使何事兮吾道寂寞而復不憇遠兮先生固不亡而所
人其何如耶胡遠小子受教未幾兮豈遠一見而處為終身之恨兮
臨風一詩以發吾哀兮上為天下恟而下以哭吾私兮

祭薛士龍黃度

浪語集三十五

始度試官於永嘉友陳子以尚質翹先生之高風每服膺而奉之造
承贊而敬偈接漢音之琅然天光發而外曠神遠觀而藏淵驟下兮
兮上達左右取而逢原會九流於一貫整神机之通圓憫俗字之失
真微空言於簡編儻訪考之不可應世殆孔聖之傳若夫樂易疏
通沈深清專生識造微度動中權有如風雲之感運籌章隄而徑編

字得元直李郭侯之事業而識其謂度為知言嗟乎先生居已無候
赴音之未前以人吾之坦窄乘箕尾而追群仙吾獨哭而不知其慟
悲賦文之鬱滯彼何生之福貴何安仰去北斗與泰山也念公昔嘗
中都元官我將從之公使淮堧改轅而歸日鏡公遠公出守雲我者
家銀公者招我我行寔難伊念之暇夫何屈遷天實忘兮一見維余
頑兮莫鑄莽北原兮不作咎昔行兮匪度嗚呼哀哉強弗與兮拳衾
奠弗助兮引棺命爨鷄兮漬醢備以文兮涕淚

祭常州先生

潘景憲

浪語集三十五

詹理門牆十年未得幸會適偕兩白几席迺爐迺陶迺子迺極公曰
可哉我懼不克嗚呼哀哉事會之乖痛何奈何違離三月未音不嘉
燕我薜栗翦我蒹葭我復寄貧窶之何已豈嗚呼哀哉季夏之書

掖勒卷中遠留標與甚俱前甫旬不及彼蒼其天為日度幾執佛南
阡嗚呼哀哉友朋重告大葬有邱故日不十病軀莫支銜哀抱愧矣
心此辭話言容止終身之思嗚呼哀哉惟公向學純粹汪洋洙泗家
法洞潭文章百不一旒衣冠胸藏續晝日月我謂不量嗚呼哀哉予
末小子稟資滯固淵源有未窺識所擬登行一晚失師一處敢不夙
夜奉奉所付

祭薛常州

孫觀正

浪語集三十五

惟公少抗志以不回學師心而有何助淹貫乎九流探淵源於六籍
召見帝所名震京邑逢辰之休取位若指板政藩輔改臨吾州眷邦
人之景慕庶不鄙而末游嗚呼悲蔓易派嘉值唯遂何痛之進毒
不決旬而委蛻嗚呼哀哉埋壟於山沈珠於淵返其本真公寧復還

弱冠之好惟相連公疾我回我後公先之何不悲出之信然緘詞
千里淚如送泉

祭常州先生

陳牧

浪語集三十五

不以其心視其所履不知其人親其所與惟公之子浩莫窺其裏吾
考之其身則象人起爰鄉人起敬雖好儀備其羊所容以警毀而求
之昔世則賢其歆與其子能其歆與其功自豪放猛起不屑為人下
其不恚意下風而願為一役使公之利勢美借人辭色獨何為至此
收上等所以交淺而情深未及委質拂門事公於生而相與哭相奠
公於死也

祭薛常州先生

趙汝楷

浪語集三十五

維嘉寧十五年歲次壬午十二月乙亥朔十五日己丑朝請郎直祕

因知温州軍州事趙汝諧謹以法約庶羞上奠遣迪功郎司戶參軍
趙希恠致祭於故常州知府寺正薛公之墓夫尚德憲賢於在廟俗
古人下車蓋汲之乎不敢後也惟公幼孤自立有志多女子本六經
貫穿百事贊茲制幕行峻守端試合名邑識先備完宥府存賢前旒
錫對淮邦阻飢杖節補外振業流民既居且安王心裁欣進秩歸班
才高論崇為時所忌再領州麾遽作長折我生最晚恨不同時竭未
假守景慕風規官箴有常阻招公墓歸心典刑宗誠樽俎尚饗

祭常州先生 石斗文高宗高石宗昭 浪語集三十五

自用之徂弄置儒術百家競馳莫遁于一豈其作世曾不一二區付
之遠境後旋否我宋教興此又是移是長是寧是庸是登乃生世儒
以倡學士六經之明千古之秘藍青冰寒裕我後昆雖今之人有以

先生碩學高明而寔中庸碩學挺特而乃疏通廣狹精天人之際
披佛與老之用空技靡從九流會同探因索孔萬法之宗匪今
薦紳而才之擅醫者先生一有根蒂匪今師友而道之孤繫吾先生
與事如俱天先生人夫豈有意不夫才施尚淑其類忍乎生已於夢
中如日既零哀思不是遺是之不遺亦已大刻我詩之慟匪直報德

祭薛常州 沈煥 浪語集三十五

自公罷湖守東歸煥因指不存者心里所友兄名不時通向九月十
七日所識道越未隔他事及公不祥之傳煥直意以安不復致信走
書向楊敬仲王季仲未報楊大防者至十月二十八日也嗚呼痛哉
平生師資之抱考德就正未則津涯不盡者公春秋其感使煥哭諸
寢也公之向學身驗於物成務已而知其不可為而返率學問惘

里日寢光明謂不為彼而為斯豈意之不以於此耶道子未
立於五聖之域朋友未為其傳後之全公志願未竟而終天守命也
去而為使朋友至此極也渙拘繫尉曹不復奔奔與朋友相向而哭
群居而德尊莫遠而不任悲愴尚惟精誠答

同年祭何誠甫司業文

用必大首冬文稿三十一

原注 清熙六年七月三日

維年月日具位用某等謹以清酌蔬食之奠致祭於故司業何公誠
甫年兄之靈嗚呼士之毀譽莫嚴於月旦之評莫切於師儒之識况
永嘉風號士鄉而夫子又公議所自出耶公由少至老一邦之人
推為君子長者及官成均士皆心悅誠服初未嘗峻規矩厲顏色也
行已立於蒼壁如此則此子向之富涵養之厚豈易剛哉然而位終
正於上品不謂之滿前壽後於耳順不謂之稱德此措紳鄉

國所以齋咨涕洟為國惜賢而不能自釋也况吾徒託同年同朝一
契而相與綢繆款密長乎奠觴雖微情則何極嗚呼哀哉尚饗

祭薛寺正季宣 梅鑰政摠集八十三

嗚呼天不佑眇又耶如公之道乎而施不昌天未欲治耶如
公之宏才而用不彰議論之醇操履之剛根之純而貫百氏漸微言
而蹈大方破千載利欲之謬立掃世儒章句之披猖蓋者多不通事
矣不傳一語一言皆絕人意表橫擊別駭窮極幼眇而完其旨歸貫
之以一初矣去之尋常施之政事其文章真所謂不見其短又
愚知其所長也此人也而不及中壽福善禍淫之道奈何乎蒼
鳴呼公之名海內所尊然形之於外也不苟循乎衰俗之見蓋
於中其人之莫究其所存故不知其以為徒剛而已矣而知其不惟

祭文

南宋

祿以直諫而受刑，知公之深，不通幾人言，則大而似夸，尚何言
我相向而哭，朱衣共羞，嘗登公之門，其也危，死之真，相與悼，善類
不幸一衣而出，涕又何止，為存侯君而已耶。

又辭靈

鑰登門最晚，受初獨深，人云亡百身，何贖，解組東去，莫預執紼，英
爽以直諫，敢花，咸知已之報，嗟矣，及去者，行所知，毋羞九原，淚且辭
窮嗚呼哀哉。

祭郭龍圖伯熊

嗚呼和子，生於本，年偏頗，惟公之生，日之其多，德量淵澄，而不見其
涯，涼性有玉粹，而不勞於琢磨，以形於文，也深，然天成而上，札於周
漢，其進於道也，怡然，理順而深，探於樞柯，與之，時如在，惠風之中，登

其門，入泰山，河是如，玉明而涵容，不顯其迹，進退至切，而履容
不見其迹，至於莅官，則有不惠而嚴，風暴也，則有哀而不傷，意
貴而中節，其又皆公所以為公，和也，外庸既積，物從深，是昔羽
儀天朝，登進法從，猷納編思，而極君心，猶贊諒，繼而藏，洪用何皇天
之不慈，忽兩楹之奠，夢仰絕識之超，指豈死生之能動，惟惠母之垂
白，反術哀而擗踊，雖行道而心折，矧為公之伯仲，其耶，其等登門最
久，涉子會曹，時振衣而清蓋，或執紼而扶衰，聞公之亡，相與嗟痛，喪
不以素葛而跽，葵不以執紼以送，馳菲奠以寓哀，徒向風而一慟。

祭周通判去非

嗚呼直夫，而謂止於此乎，始雖同登，各天一際，余分郡符，君方晏居
間，亟偃室，退公之餘，講易，彼元為之躊躇，劇編世故，昔蒙之愚，再仕

嶠南備歷崎嶇代答一書曲盡錙銖倘不忘遠畜有取社前宰劇邑
赫然而有譽運事不苟動有規程履處忘重心篤志弗渝渴然目爰求方
於余謂當良已乃終弗除抱負不凡有銜不祛曾是半刺僅以能息
近傳短牘周姓言孤啓絨恍然乃君遺書死生大矣何生舒待揮翰
寄別之言穆如數五十五尚明堪與明月依風猶能自悟通字晝夜
晏然不殊嗚呼直身而又何憾乎下交私懷驚愴歎歎對客三浦淚
與之俱淨光東麓遙望故原天哀以同奠之生芻

周興攻魏同為隆興祭未進士郎志但姓名且選舉志而已幸

此文可以見其歷官行流之大畧也戊辰五月

祭王詹事十朋 樓 鑄 攻 魏 集 八 十 四 原 注 代 曾 史 部

惟此行出守衡子根子僅高見遠識特立獨行射策編事仲舒賈生

白折廷淨汲黯王陵功成則異以如神明人或一以公集以感公偏
之興公為主盟事失其平公為權衡一有抑揚人為辱榮一有去就
國以重輕人之一體夢奠兩楹明主宏博善類去矣天不惜之為
隕星其昔相公徒復以迎公去不回惟其典刑徒哭不之郡廷是繁
設祭通周詩公之靈轉爽凜然尚其頌歎

又樓 鑄 代 莫 守

嗚呼其之於公殆有夙契稽山定歲踰一紀晚寮去宮益敬益畏
道義打魁享木臭味哭公之喪義如同音亦子假守寔公梓里九京
不作何所則視公雖云亡道在百世豈錄遺事上太史氏感德大節
畧具是矣嗚呼我公何不云乎高山仰止景行行止奉以周旋未敢
失墮視乎如生庶幾不愧歎歎宿梓水邊一水馳奠去哀潛然出涕

祭薛寺正 樓鑰及魏集八十四代曾吏部

惟公字博之知約行高而不孤政嚴而多苛福正而不迂求之海內
未見其比意以天生此人必將迴狂瀾於千載之絕學建功名於
葉里之亭途德小試而奪之蒼之野又何忍字公之守吳余在故
唐我奉割符公歸里居固喜服高風於踐履之舊德宏編於卷款之
餘方昨日親直豫多調之益於篋中未見之書曾不見於幾日驚
死生之頻殊家哀悵於短章西庚於生舞嗚呼吾老矣不知何處尚
復見人物如公其平

祭薛士隆知府文 陳亮龍川文集二十二

余行天下竊有志於當世其道德純明可為師表其批賢進見獲聽
微言於下風退而從茲魂不羈之士接杯酒之歡笑歌起舞往往自

以為一士之雄互於山顛水涯與夫窮獨委巷之相抱負所有之與
母抱足所及則必一見縱力不能自致而亦言姓氏之與通晚將
歸休始復見公握手一笑話言從容心滿意懽俯首末末三年之間
竟以此窮人誰不死甯公是逢又投吾父昊天鞠凶生乃以此寔死
與同俯仰惶之未知所終

祭鄭景望龍圖文 陳亮龍川文集二十二

嗚呼丙午之夕我必哭吾亡友於金華耳啣冤籲天謂天不明癸卯
之朝惟尸死生黑頭如麻獨我良朋哀哀不寐躑躅而行為此避匿
恍若銘旌向此前驅來自建甯嗚呼噫嘻得非吾邦先生之靈耶從
此月之多福豈能贊之竝傾微吾命之不祥豈一月之健丁負版之
人執手大慟子曰矣父弟曰矣兄嗚呼噫嘻天不欲使士有遺種而

獨不自附於堂之氓耶天不以其人向命不以其力爭念躬行
之矣愧而事變之道興八十毒母有不順之歎窮之為我有未竟之
憾一世之宏議不為自盡於其君而後之抄旨又幾何時而能以
道自鳴耶已矣置之事固難平師儒輔導之官奉天下皆以為莫宜
於公而公不庶幾出此一二以上備三代之英及存乎小異已多
言之足懲雖去國之不獲甯有志之竟成而所存之高而事不交接
抑道之興廢不以其人事為憑耶已矣言其去年之夏奉酒以
相屬旅舍依然不知今日之詩公於異之也變故亦懸道旁不驚未
有已時臨風涕泣

祭鄭景元提幹文 陳亮龍川文集二十三

嗚呼奇才異能世資以為用則何意於其跡高科顯第人資以自達

則何意於其時兄弟炳字以相輝則何向子之侍朋友蔚字以相扶
則何志子之施世惟恐無一子於其向又安得合四世而有壽躡
六十非人命之難明年歷三紀非世道之難移如兄之止於此名理
之未易推者吾兄兄弟自錮日非同病而後知厥編亦祭其不為憲
屬且先其所微後發先至為駿馬之良豫幸手植非老人所宜兄為
慨然何擇於此名既至此安於已而我曰子何以身自私人之職分
豈容或虧天不我與甘之若飴者命不承甯向卑不登坡壠安涉
菑菟身在一日吾何辭此念孔聖猶曰吾衰不如適意與天同歸
我困因繫死生毫釐尚欲於中印首伸眉一歸之天何以我為徒來
應酬者有據依此編未終冀兄之疑旬月之間拜字一詞釋寺逮我
方墜危机手舉振兄累卵之危兄必有策免我庶幾減題之回嗚呼

則非夜半負舟疾走莫追弃我任我幽明異岐我亦漠然甘與世違
嗚呼兄之文章有源有委兄之儀福有綱有紀兄之行事有張有弛
兄之與人同有異取之不竭有本如是道德性命此外何事昔以
難兄既知之矣枯車死灰去死甯幾人固活物日出事起強怒而行
不偏不陂名教之中自有常規死生福禍不阿不避天地之性以人
為貴聖以此聖礼安以倫仁以此仁義安以外是中只有離倫拔萃
求異於人則匪人類振古如茲惟士異時冀兄泣驅而亟兄既
長往我存曷以天長地久盈眶之淚

祭徐子宜父文 陳亮龍川文集二十四

前賢既遠源流莫繼卓彼泚儒尋慶起墮後先相理曰同而異歲是
屹然惟公之子非子之能惟公之室似言取信勸必以理孝友慈怒

儉恭和粹儀刑後來子鍾以美枝葉披疏有年如是子登王朝日跡
旌仕郡公相敬資以行志退食從容教忠無愧朱衣銀魚冠褒登玉
何如蒼天或此永唱道之云遠幾人能遂是以考祥昌視以履公雖
遙邁道則自途是道為難從公則易道退莫安死生孰計終天之痛
惟子之瘁子曰已哉朋友則未相與盡哀繼以寬譬嗟乎公哉非以
私意庶幾饗一觴之壽

祭王木叔父文 陳亮龍川文集二十一

嗚呼父子之恩沒身莫酬四民孰貴士字存存昔公之子孺者是得
不既曰仕惟友之求竟去子復共仕吾州少頃正則振振之尤我亦
登堂廁比英特公居以向意好姻繆之有甘旨共以相浮宿至上下
一笑夷猶謂彼茅容少見未周退與婦言有此各不非子能賢皇父

祭文

南宋

之由十五年間參差去留進登五朝或死以休或擢魏科或官遐陬
我獨窮甚豺狼是投買子何為逆風持舟公不厭一病不瘳嗟乎
哀哉過此如流死生異道窮達不侔孰為此其蒼天悠々未報已時
甯有言履積其厚矣今子之收部又值真以享世出

祭彭子復父文陳亮龍川文集二十四

嗚呼生福善人死表於墓曰處士之墓古人務寔而不務飾所以貶
貶於其鄉也眾之本教曰孝國人称願然曰幸哉有子如此在人
為人子以由微而巨著所以達其父於天下也如此父子蓋忘庶
幾於其道恨矣七品之服以為封千里之界以為養夫婦相對子女
多缺而相養於七十五歲之間天以報施亦豈徒然我昔公之子初
官重華我從之將道義靡他報公也上質寔矣歟從容二林相與九

家子登朝列公壽方遐我困因繫公天一涯死生禍福有相去差晚
節末路共以嘆嗟墓有霜草行程刻賒雖死不朽是耶非耶情劍玉
象儀匪蹟嘉臨風一騎涕淚交加

祭葉正射母夫人文陳亮龍川文集二十五

嗚呼昔余微夫人之子於祥年固已得生昂霄聳壑之氣自其客居
永康每一食未嘗不東向懷也有時繼以淚下曰吾家甚貧而吾母
病飲食醫藥宜如何必又以苦吾父之心吾母何以為人子余於是
時雖未復登堂之好固知夫人之甚慈乎子而為之子其固自為之
且余有父不能養余甚有愧焉數年以來夫人之子大放於古矣
考凡聖賢之用心與夫後宋英雄豪傑之行事觀其會通而為之所
以與時偕行其於是四海友朋以夫人之子其所以一二數而天下

之今有以觀夫人之為人母也既而夫人之子又以甲科歸好其親
於庭併世俗之所謂等也而終日之人皆謂夫人之疾宜自是脫也
而竟以不收豈古之是非休戚一不以櫻其心而由疾至死一一自
有條理耶亦與死非人力之所為而所為者其夫人既如於人一
等者常情之遺恨又何以陳之夫人之前耶哉夫掃母子人之至情
死生之際不可以理譬解夫人之子與其父宜何以為心而朋友之
涕亦不自知也潛然之重固一水家哀於文甫副之救有覩友人

祭五道甫母太宜人文 陳亮就川文集二十五

嗚呼宜人少從其夫艱勤以起家晚從其子馳驅以游宦三年簿領
一月朝行而徑履于里專城之寄板輿之樂人生之少憾群賢聚
朝召命其去而遽罹蒼生罔極之痛喪車之行識其以為大哀人之

隱居子之巨創交委竝至乎胡之言嗚呼人壽百歲獨不可以八十
九十字貴極人臣獨不可見其子為卿監法從乎天運之公人心之
私苟其亦值公私合一取或考差為此果凡富貴之來非道而未終
天之恨甯以此秋忽某向與合子為親然之相期晚節未結羞管華之
異向跡雖小戾心實如初追念昔時幾成一夢值莽凶變共哭三衢
趨板兒曹合陳序真指日東望臨風涕零

祭鄭景元母夫人文 陳亮就川文集二十五

嗚呼盛衰消長相尋於多窮是非毀譽交費於未定此世人之所共
歎而君子以為有命方夫人之盛年悼其夫之已竟念二子之何子
甯利名之足競嗟長公之山之偏獨務於細行蔚羽儀於厥躬樹後
學之審訂越仲子之鷹揚慨砥節於清勁不充祛於崔嵬之幾微於

贈贈宜世道。有侖拒門戶。私慶以遠報於地下。謂掃德。其特感
曾歲月。幾何掩風波。交遊彼山立。何罪躡夫人。而目瞑以贈
證而不已。遂以名於不令。窮達。小異豈平生。退能噫。夫人何
何為與此。交而俱病。雖自古。或然冀天定。能勝不然。則感衰。情
長是非。毀譽乃足以汨人。正性之耶。人欲若浮。天理如瑩。物必有
對。鸞鳳。梟。隼。順。反。背。或掩。或映。於差不亦於終。必稱受命於天。惟
慈也。正長公。有知。告我曰。歟。其存。謂也。蓋亦自靖。述其如。秋。美。事。墮
飄。委。曲。則。巧。直。清。則。徑。匪。人。所。欺。甯。我。不。任。尊。魂。以。在。雖。出。不。惜。揭
度。靈。斯。言。有。征。

祭蔡行之母太恭人文

陳亮純川文集二十五

嗚呼。以太恭人之盛德。而不及免壽考。以既子之養。以合子之純孝。

而不及登華要。以致養其母。此朝士大夫之所共歎。嗟朋友之所為
流涕。而天之於此。以為天。天不知也。類如此也。雖如太恭人之壽及
中。合子亦有列於朝矣。夫君既沒。整所存。道母子。其與為命。以政
菽水。之歡。其又數年於此矣。其子稍。自見頭角。而為母。為兄。其不
庶幾。所以年負。其等。高下。而後。雖太恭人之母子。所以自盡。其甚
至。而天之所以報人。其不。至。於。甚。謬。戾。而。不。合。也。五。福。之。難。全
。其。來。非。一。日。而。一。事。之。稱。心。亦。有。以。自。歸。於。九。泉。况。其。所以。自。寬。其
不。既。已。多。子。歸。從。夫。君。而。兩。妾。子。左。右。之。責。當。門。戶。而。四。兄。弟。先。後
之。死。其。年。所。恨。生。其。亦。易。畢。朋友。之。救。不。能。葡。萄。樽。酒。之。醉。首。如。數
日。

祭葉正則外母高恭人翁氏文

陳亮純川文集二十五

嗚呼惟恭人生長儒素擯於勳門匪惟勳門國之威烟德尚多有貴
多與倫方其盛時震動簪紳中更多事散而一溫大冢世族幾幾人
存粵其存其往瓜分各求其祀惟德是福恭人宜之豈適王孫不
世其德相待如賓自飭以禮自督以勤自立門戶其命維茲賢士大
夫以類而親有既既旨有看既珍爰多受祀以友輔仁相夫與此有
終則坤云胡不淑處以升間使氏夫子號叫云云恭人甥館第一輩
人亮泰交之義同弟昆一奠致哀詎曰多因恭人饗之以誠非文

祭得子直內子宋氏恭人文 陸亮就川文集二十五

嗚呼婦容固矣宜其象室求我庶造士其既吉婦德之親宜乎象人
夫之婦一人之大倫恭人之初兩姓既祀外事詩書內事絲麻厥德
交修相為以理道德性命施於女美曰父而舅曰母而姑承顏順志

上恬下愉賓客朋友親族咸疏一有不類則匪我徒祭祀孔聖泛食
惟恐職所當為力兮必竭厥道穆肅衷心允懋胡不百年以及示訣
男拋未下女去沙依別姑鍾愛涕淚交頤思為擇行楚相少為甯息
俱弃命來所以幾內使節履此悲咽有未富者年不偕承一生辛勤
才道乖梗事之難平有不幸言念昔其嘗獲登堂好母之餘為壽
於旁女好念篤克相去疆再好遣詩觸事悲傷遭以大變出淚痛腸
魂靈縹緲如在洋洋

祭薛象先內子黃恭人文 陸亮就川文集二十五

惟恭人生於巨公之家撰於名儒之家少不以富貴而自驕晚不以
從容而自佚能憂媵一宵征接兒女如已出小星從參與昂取臣有
所依嚮而不止於貴賤嗚鳩居鵲一巢取片拙於更改而不止於均

一體地道之矣或致恟儀之靡失幸是以行示迪去曾和鳴之幾
時而契濶於一日用序于歸之相宜變序弗及之位運命也何言夫
子難必為故人而一哀豈平生之永郵雖舊礼之匪嘉矧才誠之敢
忽也書畧之矣從庶彤管之有述

祭曹侍郎文叔遠 別字漫塘集二十七

惟公洒落之姿恢洪之量風流晉質寬大漢相朋來四方好惡積臆
公居仁向一笑冰釋嗟我與公賜第同時我掾儀真公之舊橋有善
必告有過必規道合情親固向毫釐蜀道萬里君竹九重公官仁向
我病里人自未必者靡者不彰眷之情有古人風公薨於朝我情
不知公喪歸去我吊年期一觴之奠寄此忱竟公之登之我淚如洗

哭陶子葉侍郎道文 魏了翁鶴山集三十一

嗚呼歎合消息陰陽之分奚獨於公感深涕零匪傷吾私我夏孔殷
舟流稟屈行邁靡臻匪子弗濟匪才弗又苟尚有存毋向中外如珠
在淵如玉在山木石何知枯潤所陶公知海濱美與人事海內同子
好為榮賴以牆孤峻基宇邃深披剝傳注貫融古之東南訖者收亦
武毅軒裳所忻公力未憇前年為留寄我鶴山去年貽書喜我東還
精神風采莫晤蹕軼言徧風旨聞見層出迨我造朝公留未賡公者
未報公體不平然猶私謂人時天耦天如有意則俾卑辱胡然貌
不吊我師之於舊人所存幾惟年用八秩不為天感天墜斯文甯有
絕續獨嗟人物如千丈松封植培養非一旦功日零月替世道攸繫
公知不知我未有屈

祭鎮江薛節幹 黃震黃氏日抄九十五

原注永嘉人名據

惟靈編印世老好極群書文追古作參滿江湖先生蓋嘗以年少而
預當代之名儒徧徧公卿銳志當世屬批削濶歷陳利害先生蓋嘗
以韋布而仰天下之士行徧交名勝盃酒淋漓凡有寸善靡不推揚
先生蓋嘗以羈困而任人才之主張嗚呼世變之下如江河人才之
稀如星晨士有一介之時起莫不與時以呼嗚呼先生之卓犖反過
鬱而不光久享華之逐之虛歲月之堂之甫白頭之趨曠俄丹旆之
遠鄉慨兒女之未之嗟田園之已荒雖生前之教非短而身後之
尚長惟平生之著述紛積棗而盈箱嗚呼天乎何才之望而命之涼
耶某也步予之蒙誤知日此大致力莫助之含哀再拜奠此一卮嗚
呼先生尚乞醉而

物部志于叔谷先生之言不詳一此可以補佚題末有安春審

字再致或安春地名察則同官也書方法文而刊本誤作大字耳

祭道州徐守宗斗文天祥文丞相集八

嗚呼乾坤變化兮人物之英風霆流行兮宇宙之名未下之晉兮一
州之羸三年而一日兮侯度是程及召驛之垂駕兮胡疾之嬰沒而
之會於南邦兮憂民憂國之情誠某交祖兮雲仍王事兮弟兄棠蔭
樂兮知心悲莫悲兮余哭之先之下神興兮臨蒸桂棹兮橫雪斷水
操孤兮上征絕虎虺兮從橫噫吾人兮安死歎余奠兮如生

林詹粟哀辭素稱清容集二

道家言點聰明去健美形神始完是果為道耶古女上百壽二十
歲窈窕不死之說其則曰脩之益真其道彌親壽而年德真名君子恥
之故脩短有命遠壽子猶少言也名德不至其漸盡腐滅又安所取

南宋

哉古之人若是其衆矣永嘉林寬字老粟形癯而器溫其於學也汲
汲然逐日以補有不足焉則力揆簡冊以自證其為文必達於理而
始精於詞謂詞其載理之具也理不足焉詞雖精焉益也深思以求
之旁取傳記之說勦絕傳會據宗統原以會于一復懼其未盡是也
則祕重自念將用貯四方例疑廣聞目擊而心領其噴若可謂勤也
矣道散於九流百家強編共出矣其樂有不勝言其汎濫俚雜尸坐
瞠目漸入於妄聞一傳余嘗察彥粟知其心有深憂其子余始見於
姑蘇和以謙再見於京師憮然以思取士之道非一嚴畛域析毫
釐稍司其過遺逸不舉則凡吾徒在官其何有罪彥粟志不在
是推彥粟之志在向學為之而不克就若是其是真有命者悲夫延
祐六年三月卒於京師年十月其弟宇友謹哭曰吾必奉喪歸

姑蘇姑蘇吾先人所藏遂為之辭以申哀其辭曰
子法明兮受元陽德瑚中兮似以章華太古兮儼九皇播絜精兮瓊
圃芳力未具兮志則專一葦渺兮濟巨川慨不逢兮道遠遭白晝遠
兮陰風旋數寧紀兮吾何愆歟孔脩兮神獨遠靈旒翻兮木葉丹儼
夫人兮在空山玉容冠兮紫佩蘭

祭陳子先先生文揭法 臨高不怒舟漁集附錄

嗚呼先生有高世之志而不可遂有匡時之才而不可施抱耿介而
莫屈員卓犖而莫羈志志于追古之作佛：子疾今一為當早年而
少試即擢第于當時任錄事於四明乃僅歷年兩期方政平而訟理
忽解後而去及再授而不肯竟東遊而西馳或抑難而一出又翩
翩而我違念顛波日靡故乍合而乍離當丁未之仲春謁德兵而

北表徧天下，大行陳國浙，一毫而已，為豈好爵，而磨
目徂暑，而日寐，而而就衰，雖藥石，日進竟推謝，而勿活，神故
鄉而萬里，魂恍，而何依，嗚呼！先生猶有似，子仲連，清有慕于伯夷，
法遷固，以為文祖，漢魏以為待仁，其而勿壽，賢其而教奇，豈世道而
致然，抑天道遠而難推，吾儕昔同處，中土，今一旦而別，家或素慕
子高義，或常接，字容儀，或托交于金石，或見及于文詞，其再好而哭
詩用致，導字靈輜。

吳氏二買母哀辭 方孝孺遜志齋集二十

永興 按吳荃端安人，事具 吳君荃母林年二十二夫亡亡一月生甫

彌月大父繼歿，大母胡與林晝夜苦誓，保持遺孤，強暴欲脅娶林，林
員兒與姑逃，稍長，鬻簪珥，資氏就學，字垂成，而林卒，胡督，益力於

是吳君為知名士，吳氏宗賴，以弗墜，予謂托孤寄命，丈夫所難，而二

母終，一因為辭，以表其哀，辭曰：木則有枝，子婦則有夫，嗟我二母，子

獨何孤，夫死，謂何，子猶在腹，為雌，為雄，子我將，惟卜子，生，子幸

非女，朝哭，夫，夕暮，抱兒，乳，立，有知，子，知，相兒，子，上，續遺，緒，夫，雖死

子，舅在堂，子生，彌月，子舅，云亡，姑哭，舅，子又哭，子，掩厥，孫，子涕泗

其傍，我二掃，子何為，守空幃，子夜，淒，子涼，風慘，子中人，蟋蟀，鳴，子兒

夜啼，按枕，子太息，起，繞牀，子淚沾臆，夫死，有言，子耳，嗚呼！吾兒不肖

子，吳鬼，安食，掃，辟，縷，子姑抱兒，吾兒雖微，子吾去在，豈孰謂，余子，茶

藜，余甘，子，子如，飴，彼何心，子狐鼠，乘餘，孤子，謀覆，吾祀，梁暉，室子

眾以呼，謂余，梵子，將子，與處，山，子，子魏，子海，子水，子靡，有涯，水

子竭，子石，子移，身寧死，子節，子不，子虧，子強，子吾兒，子我員，來何難，子去何

阻夫有神兮願為虎身寄虎腹兮免人余悔一死兮何難志未伸
兮魂魄靡也姑壽康兮子苟能壽瞑余目兮從夫九泉我相兮我姪
憫余孤兮余舍昔妾媵兮如雲兮隻影兮燈夜汲湘兮手龜抱藪兮
棘裂我衣首如蓬兮惟理未亡人兮何有容儀抽簪兮脫珥揭羅襦
兮裂之倚粥兮為儀式教兮我兒嗟我兒兮勿急荒尔祖尔父兮
厥聞孔彰我不死兮為尔下故尔能立兮尔父不亡夙出兮暮歸不
眠兮達旦勿謂母貧兮儻石多恨我兒讀書兮我寧不飯兒踐兮母
言焚膏繼晷兮以歲以年忽及兮加冠文一帝兮爛也婦與姑兮
相與吳之先公兮庶幾無餘感昔兮念今一悲兮一喜兒奉觴兮綵
衣編願壽兮如彼南山將竭力兮終壽母息逝兮不遠姑接婦兮泣
嗚嗚曷不尔兮死為哀屬兮不死尔感年兮罹此毒痛孫悲號兮奉

大母有孫存兮大母多苦大母生子兮孫多材兮善奉甘旨
嗟二母兮名孔之難誓死接孤兮身死志完引千鈞兮一髮以手障
兮驚瀾二母死兮不死有子甚文兮善在國史國史旌銘兮五色
燁下燭泉扁兮上壽星紀彼何人兮豔夫婦屍在牀兮笑言相傾
宗人兮殞人祀地下逢之兮顙汗猶泫嗚呼哀哉家有婦兮國有臣
婦死以姑兮臣死以君胡獨二母兮吳祀是存嗚呼何獨吳二母兮吳
祀是存

按賢母事又見宋情溪集亦曰德安人此水興二字必誤

祭王左史

李維禎大泌山房集一百十六

東甌為越名郡而王為郡名族也西華先生之清貞端亮曷谷先生
之膚敏慈惠伯仲年德俱邵生而為鄉祭酒歿而俎豆於馨宗蓋極

盛難乎。公與西華先生。家習貴介。公子甫弱冠。登賢旆。若然
而容貌若愚。言若不出口。不侮而侮。不供而供。下交上友。銀子如數。
厚。然有德讓君子。風。其出而仕也。甯都邑俗惡。訟其株連數千
百人。累年不解。公中心惻怛。不以文法從事。而勤訊侮。悉蠲束金。
鉤矢。罰民不忍欺。有積逋三千餘金。取抵橐代償。余嘗部領北習。
知此邑。令以善終。殊鮮。惟公用治行。高等薦於朝。擢佐甯國郡。郡佐
事故。簡。地。連官長。共輩出。公忠信。美優遊。治士大夫。度
人之心。余適甯國。始晤公。徵公治狀。與補。盈耳。公偕計四十年。手未
嘗一日廢。考卒。以乙科。就常調。陟巖邑。令盤根錯節。迎刃而解。以不
當徵。抵臺省。耶。而僕貳守郡。庶幾秩滿。為真守。不其久。入為曹郎。而
復左官。曳裾王門。令子其仕。其鮮體。公謝歸。再晤余。武林。年幾微。

見顏面。歸不數日。而侍母夫人。含殮。人曰。孝感。公年六十七。而神王。
於孔大夫。為父師。上老坐於左。黎是。公為政。倉捐館舍。通國悲。窈
聞。公有。弟。橫遭冤。証驟。耗傷心。短氣病。不踰日。逝。春。鵠在。原
兄弟。急難。古人死忠死孝。而公死弟。琳。先季。微。之。清。代。微。者
靈而卒。王氏於公。四見。夫文行不愧。先爵祿。多負。官仁讓。化
於。象。信義。字。於鄉。宦遊。所。至。萬戶。尸祝。三子。孝友。今日。如公。兄弟。世
孫。絕。武。異。日。如公。父子。天。報善。豈真難。謀。公靈在天。比垂。裕。後。昆
敦。數。哉。

左史

祭王參知李惟楨大泌山房集一百十六

自公之伯氏西華公與先大夫同舉進士。講世好也。而不佞。隆慶初。
名。忝。以。進士。觀政。司馬署中。公時方為郎。又居比隣。以通家子見公。

結忘年、契甚驩、何公出守魏、不相聞問、出垂二十年、而會公修
亦嘉字、誥生、以記介友人、朱光祿、為情不佞、卧山中、年以應、比官大
梁、再得、者皆自公先施、而最後、何人、却信事、為永嘉、令、延公、抑、
外孫、方生、為塾師、則歲與公書、疏往、追勸、多舊年、冬、承、三、領、越、後
亟馳、使、向、公、啓、居、與、少年、門、健、定、治、家、類、黃、穎、川、米、鹽、煩、碎、而、時、作
手、字、及、因、方、生、示、我、稿、神、王、前、月、公、書、未、言、何、病、淡、辰、遂、勿、藥、而
不、佞、不、善、攝、生、行、年、五、十、有、四、始、為、瘧、鬼、所、陵、摩、頂、放、踵、年、所、不、受
害、生、死、不、卒、共、半、月、甫、蘇、怪、公、何、染、於、却、病、乃、尔、頃、方、生、云、公、卒
生、前、病、沒、因、不、佞、病、諱、以、聞、身、公、去、時、欲、入、武、林、見、行、不、佞、生、平、慕
二、雁、勝、冀、可、假、他、事、迂、道、從、公、杖、屨、快、行、宿、願、而、記、誥、空、言、公、一
子、二、孫、子、為、大、官、丞、以、侍、券、不、竭、選、人、繼、室、陳、夫、人、事、公、甚、謹、兩、孫

大其推擇、就省試、次補博士弟子員、羔雁充庭、冠蓋咽澗、公布席行
觴、終日百杯、不倦、人以為百歲、何、慶、弔、相、尋、也、公、兩、為、令
吳、一、為、守、魏、後、以、觀察、按、吳、四、郡、久、在、所、尸、祝、歸、田、時、凡、有、大、工
作、公、身、先、為、倡、而、身、鉅、其、等、示、嘉、塲、堡、貽、千、百、年、矣、自、少、迄、老、雖、耳
不、廢、絲、竹、而、定、不、近、內、噉、生、菓、餅、餌、不、綴、不、為、患、人、以、為、百、歲、也、
恙、何、感、應、相、謬、也、云、天、下、士、風、靡、思、兒、童、項、領、成、瓶、呂、鉅、而、拜、車
上、蚕、食、圍、奪、生、同、侍、未、醜、郡、類、公、有、所、務、式、向、後、者、不、能、也、橫、政
橫、氏、上、下、甚、島、寇、狼、子、野、心、殆、不、測、即、有、事、不、敢、說、公、為、馬、伏
波、趙、營、平、就、而、向、計、多、踰、老、目、之、將、安、取、哀、哉、不、佞、所、為、致、慙、於、公
匪、直、五、十、年、休、戚、相、關、私、情、也、若、夫、功、在、河、閩、杓、建、畏、壘、生、稱、祭
酒、卒、祀、誓、宗、以、三、品、爵、歛、五、福、疇、青、箱、烏、衣、世、所、美、於、公、足

未復何怨

祭林恭人

李維楨大泌山房集一百十九

昔在嘉靖庚戌永嘉同先大夫岸進士共二王先生以一中丞竹巖
其一西華觀察宗人也二先生功成身退以天年終兩恭人皆耄耋
焉然白首戴勝而慶類西王母西華先生有弟賜谷參知憲杖八十
有四則以兩先生世傳好昵就某其舊矣受事武林佞佞存向兩
夫人及賜谷公啓居皆多恙計所以便入永嘉致升堂好母義不
數月而賜谷公卒已中丞藍恭人繼之與恭人又繼之何王氏之多
難也西華先生不遠氣色不殖貨利徑術行祖與東海人偏典刑而
恭人以出相身神儼相敬如賓迨老不衰子孫數十人孝友馴獲
入而侍從出而郡國與夫黌宮泮水士披文相質蜚英騰茂蓋西

華先生雖沒而豕訓秩如則恭人以也女宗母師忽于論喪山頽場
隕一慟寧詎出丈夫下哉夫人伯子尹甯都丞寧國以循吏聞坐不
循俗謝事寧國二子以茂才異等不第于鄉與論竊為扼腕然由此
曰先後亟歸侍恭人疾一日一考三公不易孝子慈孫度年遠恨天
厚恭人財且微矣某通家子母事恭人慟吾母不能如恭人孝考子
不肖不如郡丞兄弟生不獲見孫如茂才兄弟一歲一中而哭王氏
高年其二人駒隙易邁河漢難俟陳詞告哀非一端而已恭人鑒

祭陳恭人

李維楨大泌山房集一百十九

恭人父黨世武臣父黨世文臣其伯伯抑睇以中以婦順母儀著其
甚衆比德為難而於兼有鍾郝之禮法謝張之朗映則惟恭人矣恭

人作配賜谷先生蓋德也身未嘗字而所為子先生之子與孫女
女先生之女與外生若諸子涉女恩義需淡幾於所謂多人我相
其賜谷先生為令為即為郡守為監史_司孝友聞於家慈惠聞於鄉敏
練揮于躬仁壽仁政聞於吳魏兩郡茶人不屑官中物以佐庸不溺
閨中愛以佐勤不惜篋中藏以佐施愛而能勞食而能教以佐義方
氏才識往過人如猶家所恒有先生沒十年而隸農緣上官意
指以缺斛故騷然蠢動大家莫少如何茶人召立庭下片言分辭遂
寧販多博以則鬚眉男子所不如嗟乎茶人之賢女史不數講矣先
生年八十四茶人年七十八王氏命婦而壽考才三見庭用樂具
苗奉百嘉諸福何纖微憾惟是孝人家人之母之宗族婚姻市井
田野所倚仗蔭庇者一旦失之豈愁隕此古今同情不佞累世通家

見茶人子范在疾分恻而致祭德真將以祠茶人氏式靈

温州偈廟祝文

樓錦玫瑰集八十二

先聖

夫子之道萬世所尊夫子之尊萬國所共鑰頃堂今教三十五年奉
釋奠之舊儀葺大成之廣殿亦叨假守尤仰師尊夫子有言曰敬事
而節用而愛人使民以時鑰雖不敏該事政諒矣惟夫子寔鑒之

諸廟

永嘉內外百神咸著靈響

祖山云惟王威德英于東南創祠此邦民已受賜

海神云惟王勳業冠于唐室威

德著于

是邦鑰頃嘗實授社報屬云亦于假守獲共香火之奉去歲旱災

甚廣獨吾州有年神之賜厚矣國家張置吏凡以為民祀典所載之
惟前功于民其祀之秋序方中爰以風濤為憂愁霖木止願啞

刑需以全農功。鑰不敏，竭力以祇王事。惟神有以相此出，則吾民其庶幾乎祇。揭之初，敢敬以告。

祭輔神祝文 楊鑰攻槐集八十二

惟用祀族師，職春秋祭。輔鄭康成云：蟪蛄，輔慶厯，制有蝗蟲。則祭熙寧。議臣欲每歲春秋行禮，終不果行。乃閏五月丙戌，以蟲螟為害，祭以效禱。賴神賜，隨即哀息。首當晚禾秀茂之際，又有食其心耳。士民以前日之靈異，來德不憚，再瀆復奉。以典詩云：靡神不舉，靡愛於牲。而况明神見之，禮後著之。祀典專職於蟪蛄，牛吏不敢辭。其勞神不倦於應，俾田祖之神昇，友人以全歲事於垂成，不亦休哉。

辭廟祝文 楊鑰攻槐集八十二

先聖

嗚呼聖人，言之宜前。世而况吾夫子，集大成而又拔其萃。其言曰：道子乘之國，敬事而信，節用而爱人，任民以時。鑰不肖，試郡以來，伏揭於國。豈法事以悟，匪勉第一。由是日二年，向田里相安。去矣，敢以展謝。四五年間，十修釋奠之禮。願瞻厥庭，不忍遽去。若眷之願，字之志，又非止乎此也。

世廟

惟明神福永嘉之民，之謹奉香火於前。有年矣，鑰試郡以來，為神之休。凡有禱祠，莫不響答。三歲尤幸，十雨五風，以迄康年。晚禾潤雨，不免煩瀆。秋高，子法忽需膏澤，豈么麼能動神聽。蓋予里之幸也。吏之接民，不過二三年。鑰奉之此邦，本異鄉社。去矣，既謝靈貺，神休。

加惠此民惟其寡哉

海神廟祈謝祝文 梅鑑玫瑰集八十二

祈雨五首

惟神相唐若旱作霖粒夾漈然厥食歲深民以旱告吏寔疚心愆冬
致禱固或弗飲願沛膏澤視古猶古庶幾歉秋交為禱信

海邦一民神所勞駉陽傷農下民告吏寔不肖心是悼三日再瀆神
勿躁早魁既虐風不暴吹雲使躡幸不冒平時良苗日就燥矣得上

天陰雨膏神兮玉靈隨所禱牲牢燔黍敢忘報

夏旱致禱神既應之駉陽復興皇慈再瀆異日甚嘉穀由福吏安
所告惟神是求願為甘露迄成歲事靈應益彰報敢後哉

頃歲夏旱秋而雨農功雖完尚收桑榆惟乞一災秋晚未已十里

內外日以告病間有大驚卒敢安慶麥不入土後日之夏瀆神再三

禱豈得已願為膏澤拯此疲氓

三時務農以神為命雨暘不若隨禱輒應農事既闌人亦少休早曠

告病惟神已求連霽而居甘井枯竭宜寒而燠疫癘將孽神庇此民

尚聽禱祈三日霖拱而臻

迎神像行道祈雨

旱災致禱雖日遠於靈祠甘澍愆期意尚虧于舊祀願同佛像周歷

郡城列處黃堂慈意眾瞻依一切悉哀緇侶盡六時颯唳之勸庶神

力益敷俾雨師之速應人所欲共神其聽

謝雨四首

夏旱而雨功歸於神之安厥居益名未幾秋陽為虐于于復未不以

為瀆而不我聽三日澤如響應應苗與勃然一稔以待神賜也
敢謂何世敬于庭神其素格

神居是邦民之司命曰雨曰暘未禱必應亢旱既久千里告病迎處
黃堂用彩祀敬人必惶惶神寔未施以陰以雨不候雪霽肅神歸
如初之迎揭虔安靈牲酒感或言每則風之證於佑農功俾終
有度

秋日久陽正以年告海風助虐何以堪吏之不德不能銷去糶
未既靈既已昭神之愛民若父于子隨禱是應是子可任尚請於
以神陽報

旱災之極人心為恐雨小不危子里嗷之所不甚恐惟神是恃衛公
精爽凜烈如生膏澤所需合境告足率屬未謝其敢不虔尚冀若時

以沆稔歲

祈晴二首

惟神廟食之久于民有功曰雨曰暘禍獲之爽吏政寔愆致此陰沴
雨雪不已欲耕未能恐咨默告惟神是賴毋以吏故而虐于民廓清
頑陰使遂開霽吏敢不勉重為神羞

春耕欲雨多則告病人既之厭神不難應然念以邦倚為神命淫霖
未已陰沴日甚嘉種不稊汨于深澤東作苟未曷為神慶日在甲子
占匪休澄驅斥雨師惟神之令有禱于茲神其素聽

謝晴

春霖既甚良農病之吏求於神日俟嘉應上勤宵旰德音四野曾不
淹辰廊清氣翳回視四野物物昭蘇神寔相唐功著千載變調抄

又及我躬曰雨曰暘尚期依惠

祈雨雪

惟茲東嘉歲事屬愆神厚以賜者大有年農隙而旱致瀆神龍泉竭
麥枯人久失病歲云暮矣煖然如春又恐疫癘重困吾民玄雲滄興
密雪交下益以霖霖野及原野是在明神不勞努力倘從此以
報德

謝雪

於過不雨為嗣歲憂致禱于神灵應如響微雪欲作先集于霰報神
之賜庸有既字

發海舟

郡祇天子命遣巨艦數十艘由海道以戍四明惟神廟食此邦靈應

如響願陰相之俾往來鯨波如乘安流幸有驚畏則所以報神其敢
怠哉

禳謝颶風三首

永嘉災荒首尾十年三歲一稔近所年有雨暘時雨神賜寔宏秋霖
未已害我穡事積陰之久或致颶風窮民易驚愁嘆相屬垂成賜
唯神是依驅除雲師俟見白日風伯退旆鳴條不聞傷稼惠之
忘報

魯有爰居止于墓門展禽曰去今有災于是歲也海多大風先事
占有所信其此邦歲苦颶風邦人畏甚幸有氣雪以秋為收異雨未
休深恐馴致惟神灵響千里片依是用祇謁祠下豫罄叩禱曰暘曰
雨神已佑之于前以終惠之訖我穡事

吏室不肖之功於民神曷庇。隨禱輒應。反風之威。雖曰依然。如神
靈答貺。昭甚震風凌雨。一日掃除。祇謝祠庭。以敢不恪。

平水王禱旱祝文 梅鑑政摠集八十二

亢陽為虐。方憂禱禱。未亨。故老有言。昭悟天神。在遠。謂獲國通
天。號有。所氏。惠也。功比歲。以未。出祠寢。廢既上。雨旁風。未克
何。西廂。東序。足親。雖吏民已。獲於。禱。而守宰之。愆于。禮。敬。早既
太甚。咎或在。亦。聞。惕然。正。敢。寧。止。爰。陳。嘉。奠。未。揭。明。靈。願。禱。小已
寡。聞。憫。斯。人。矣。告。沛。乎。百里。潤。為。三日。霖。皆。率。耆。倪。益
謹。牲。牢。報。且。令。棟。宇。聿。觀。輪。奐。新。

郭先生廟祈雨祝文

維并斗城先生卜之曆千百年。民用安之。亢陽有禱。神又聽。廟親
之崇。後其岳之。

平水王

溫州府 函 館